



二抄
十
冊本
秋澗先生全集

翰林王公大
金文集序



昔我

世祖皇帝肇登大寶思惟

祖宗鴻業昭載信史傳播無窮於是



招延碩儒建立史館時

秋澗王公年方五立首選為脩撰

度摩挲老背忽驚心以倖乘軒非所樂仙樂月露濯
金莖綠野風煙連竹閣得陪高步繞池塘老我何心
望寥廓

僧傳古坐龍圖嚴東平所藏至元二年秋
九月張簽省耀卿處觀七年閏十一月甲
戌公退馬上偶得時秋苦旱冬天無雪
深山大澤物所蟄千丈懸淙掛青壁潭陰水黑不見
底老雨初開元氣濕蒼龍何處行雨歸闔首踞坐紅
雲堆山僧駭絕噤不語萬壑陰霧生緇衣咄哉傳古
隱龍性隔戶寫影窺天機一從元化墮此筆飲海不
復觀晴霓世間畫本萬尺蠖尾鬣一掩無晶輝比年
一早幾焚如牲幣空事山川零羣龍寢睡洞府黑六

命任使黃霾污何當鐵匣出雷火衝屋而去騰天衢
六丁奔命僕射御倒捲溟渤天瓢輿滂沱一洗乾坤
淨却歛神功寂若無

趙邈齷虎圖行田給事和卿所藏

巔崖老樹纏冰雪石甯枒杈橫積鐵北平山深林樾
黑下雖有逕人迹滅耽：老虎底許來抱石踞坐何
雄哉目光夾鏡尾束勝百獸却走潛風埃趙侯欲盡
神妙功都着威稜阿堵中想當盤礴啜墨時衆史縮
手甘凡庸至今元氣老不死神物所在纏陰風前年
驅馬下靖邊涯東突起草底眠腰間恨無鐵絲箭寢
皮食肉空長嘆今朝過喜一嚼快熟視須頂為摩編
貨馴跖服暴戾息弭耳道義思拳：主人愛玩中有

謂遇事炳變通經權我聞漢家大獵陸冰天豸冠思
賦長楊篇四方猛士今雲合早晚龍旂到渭岐

楊秘監百馬圖孫子譽藏

冀北之土馬所生息軒英爽房良精定年苑馬凡幾
抹故老一說驚龍騰大青小青帝所御勢與八駿爭
馳衡先生此時行秘監扈從幾賦汾陰行翔麟日給
盡龍種春風不省鳴鞘聲楊侯凝神洞化窟筆底抹
電流雲傾當時一紙萬金重曹霸撫掌江都驚生平
寫影幾千疋未若此圖真傑筆明牕一日百回看元
氣淋漓悵猶濕陰風獵獵吹旌竿雲黃草白沙漫漫
大奴乘秋閱清峻渥洼洶湧翻晴瀾浮深角壯遂天
性不數南山之下沂渭間安得風鬃三萬騎濁浪蹴

破東南天蒼茫回首鍾山渡一凱歸來入漢關華陽

春草三千里還似駟：西裏閑

和姚左轄梨花詩韵

主人愛花情不薄淚粉闌干愁寂寞東欄一樹要洗
妝走報詩仙揮翠杓醉歌不惜玉山頽明日春風紛
雪落杜詩韓筆世所驚大敵無前闕清廓王城春事
歲如許三載癡牀如酒惡何時翳鳳驂群仙華時吟
眺青山郭

絳州法帖歌謝張元禮兼呈按察先生

君不見晉人九京吾莫與天遣元精留網楮絳州一
帖天下竒要以鍾王為藝祖內家中秘無雜收餉間
等書為世取固知瓦注覩天巧虎卧龍跳照今古羗

予嗜書昧所守集古無由似歐九王城陸海幾燃犀
下照光恠駢萬首管窺雖得見一斑隨即遺忘非我
有承君惠此石本佳銀字模糊真弊帚奔蛇走虺幾
千丈詭狀竒形驚戶牖手追心摹日有得顏氏服膺
承善誘明窓一日百回看什襲深藏重瓊玖就云好
竒家四壁破屋潤餘豐且部三杯適喜徑醉眠墨池
濡首追狂顛覺來捉筆便揮灑徃：逸興驚蒙顛裴
旻劍舞凌雲煙作詩聞君：豈然料應一笑絕倒乃
父中令前

題趙仲器治古齋

我官御史三十月秩滿身閑在京闕朋從日約扣人
門閱盡名書古饜饜古人不作古意在鬼刻神剗多

叵測喜逢治古齋中老論說精英探天巧及觀呂氏
博古書照眼形模總傳寶趙君陶鑄真好手元氣鴻
濛驚再剖典刑髣髴三代英賜器政宣皆弊帚免憂
躍治不祥金蟲臂鼠肝爭好醜

題都山老人慶九十詩卷次胡負外韻

古風三百聖所刪福履詠歌先壽考從人作計競朝
昏狗利覓官甘安繆正緣得喪損天和稟受不只歸
薄厚劉公九秩固天與護養風神逾稚幼脫遺外物
委路塵保蔽元精若勳舊歲寒霜檜自後凋露影朝
蘭不終晝笑看蒲水鴨頭綠細捲春風釀重耐一杯
吟醉頰浮丹不羨周人台背皺古來純孝錫類名行
見諸孫紛彩綬

惡溝行在平陽翼城縣北大尖山中

西烏嶺下唐都鄙歎得平川心適喜馬煩車殆問前途人說北山路無幾朝來徑走山南城崗勢稜層登陞址峰回路轉十里餘驚度惡溝深井底偃身直下幾百尺十步徘徊九還止南來山行五百里屐齒磨平無可跳折升雲頂俯哀壑山似鯨翻掀鬣尾羊腸絕磴盤不盡眇徹前峯後如指王陽斥馭心固壯老馬凌兢垂兩耳胸中大物已隱然又為此山相角持我觀晉問非眼見今日河山真表裏畦田高下畫不
如煙掩人家穴藏蟻晉人勤儉風土然山頂開耕自
山趾一丘一壑凡幾家而復唐侯風化始河東大抵
九分山民既能勤生自救蠶絲保障兩雖拙獨有一

安差可擬山間一笑自絕倒汝亦何為論治體忽當
疑逕問畸人欲荅予詢思所以如君面帶麋鹿姿遽
縛塵纓解蘭芷優游文史恐難任涉險乘危胡至此
世人欲速見利心捷徑趨時豈君子終南譏誚責未
了千古坦途人所履笑揮植杖指東張汝急去予無
我挽若非隱者荷篠徒行念斯言真到理暮投僧舍
不能眠走賦鄙詩還自筮

題趙城南王開鋪樓壁

老澗盤回幾千曲洪水平來兩崖出邑居遠邇依地
形南北經行看不足羣山掩映肺腑如河水縈紆衣
帶促畦田雖狹水所腴風俗儉勤仍歲熟東西南北
摠除官此心少盡物自安區區薄宦封丘耳有懷莫

遂空長嘆為問霍河橋下水驚湍能激懦夫肝

清江引為僧永真賦

秋江水清深幾竿漁郎放舟煙渚間中流舉網紫鱗
出不祇博酒供盤飧借問漁翁樂何主泛宅浮家無
定所賣魚生怕近城門肯到紅塵汚人處蘆花兩岸
晚潮平憶着蓴鱸思徑去朝廷物色那可得澤畔行
吟何自苦滄浪水清濯我纓林婆酒熟容賒取人間
萬事一醉休睡煞江南煙與雨覺來滿眼是青山獨
著綠蓑還自舞漁父樂真可與細瀉焦桐入新譜謂
操有清竭來山城官事紛簿書鳧吏對斜曛開圖空會
漁家趣我恨不若江頭人

張郎中彥亨督太原棧運道出平陽索鄙

語為餞因賦是詩兼簡子初宣慰

元年天策開明堂千官劔佩爭翱翔當時張君正年
少快書不減陳元康我初得子知遠到自笑野鶴空
昂藏河山分陝嚴津吏六道煩君居右地十年坐聽
棹歌聲置散投閑非所意試難去易凡幾書思遇蟠
根伸利器南來督運并門烟鞭箠心計驚孤騫萬材
蔽河晉山兀目中已具龍驤舫生平故人王衛州東
南開府羊杜儔竹頭木枿方並蓋如君俊才當見收
自憐右屬橐鞬意射圃何時補唱籌

平陽官府行奉送部椽劉文偉北還兼簡
省臺諸公

平陽官府居上游我来視事星未周眼中之人競誰

得東西兩曹李與劉一朝歲貢入民部折獄論文欲
誰語老夫雖獨心所喜雙鶻乘秋看掀舉自憐白髮
一哀翁終日區：簿領中米鹽細碎固當略要以不
盡心為忤君不見鄭公溫國兩通判至今德業昭河
東嗟余何為秩與等正有報國公而忠何顯至言豈
易得耿：孤懷庸自遠因風寄謝臺省公儻有伴來
慰岑寂

鵜鴂詞甲戌夏六月宿李將軍林館聞之
有感而作寄友生王宣慰子初

樹頭玄衣郎徃：人罕識汝舌幾許長音響乃尔激
穿空裂霜竹借問何所職農家呼汝為夏雞隴月向
斜鳴不失田間趣起早耕人秀樾深藏曉無迹陰：

夏木共山色二十年前讀書客一聲驚夢入幽牕露
氣滿空庭樹黑只今早暮無所為两眼眇昏頭雪白
咄嗟禽鳥逐時新我髮何由黑如漆

遊姑射山神居洞至元十一年正月二十九日也

幽巖洞如瞰陰壑洞口飛甍架虛閣真僊乘龍竟何
在香火千年事如昨蒙莊一言疑萬世槁死荒山凡
幾輩何殊山石老且頑我欲砭訂其能還呼兒笑折
山花看淡白長紅恐自然

北洞名王母洞

南山截然如案齊東西兩崖相抱圍洞中仙人去不
返老柏滿巖空翠微我來天氣二月初山鳥山花皆
友于野情本與樵漁熟莫遣遊人避使車

銅方爵歌 為翟器之賦

荒陵盤：枕山垆石麟埋沒秋草平陰燐夜出金作
聲牧兒走避群雉驚佳城一朝見白日神物還從野
人得勒銘壬子歲幾周考究古書猶可識篆文鐫刻
非近世周鼎殷盤迺倫儼兩柱作一作貝形四趾垂
象齒雷章繞腹隱觚稜老鳳喙長驚下墜土花繡澁
不敢蝕翻成翠羽丹砂紫我觀三代制飲器多圓體
咄尔形模方剗刻殆神鬼秋菌春蒲非可比物之隱
顯固有數流落君家得所止士雖好尚具眼少博雅
如卿古君子補亡呂氏尤取重元氣淋漓開太始君
不見達人觀者今古一昏曉人生極壽百歲止作
計千年意何蘊我歌君試聽古人誰盡了九原不復

作此器君當寶一笑尊前為傾倒

短歌行山中寒食作是日遊李馬二墳

花枝入簾晴晝長游絲翻空網春光一聲金縷酒滿
觴聽子短歌踏春陽雲淡風清日將午信馬東城歷
煙隴人家野祭須墓頭白：紅：滿原圃飢鳶欲下
影婆娑不待墻間徹盤俎陂陵高下麥青：貴賤賢
愚同一土况茲百歲忽如寄過眼浮榮誰比數古人
感此由重論力取功名照千古東崗畸人說隴西攀
附雲龍摠風虎鉅株枝散勢莫依蕭索荒丘穴鼯鼠
豈期健婦持戶門一片豐碑論世譜林宗不作蔡邕
死旌紀紛紜爭媚娥銀罌酒煖藉草生滿引一杯私
自語吾家先壠在衛南老栢如林百年許起身耒耜

世有澤嗣及先君擬掀舉生平抱負奈數竒貴志下
泉良獨苦悲纏風樹逾一紀業在青箱恨難抒伐柯
有斧睨不遠負荷至予尤莫取一官羈勒晉州城
望南雲淚如雨

風秀丹山歌至元壬申來官平陽得之於
錄事參軍周翰臣處周子弱冠時同舍郎
也十一年春王月十五日與兒子鴉讀王
黼朱勳傳及僧祖秀華陽宮記因作此詩
以贈周云

宣和寶石真淵數萬狀卿雲照靈囿當年幾鑿太湖
空羸得網船枯九有丹山風秀微所譜娘：金書瘦
於栢周郎携自河陽城夜壑雖深縱豪取一峰突兀

玉潺顏曾在紅雲顧盼間先榮後悴物常理我今感
汝為長嘆竭來伴予茅屋底憔悴秋娘歸故里清燈
搖：光滿几爐煙作雲研涵水老虬蟠屈似求伸隱
隱猶能鱗甲起此時對君心境閑人為物遷今亶然
掩書瞑坐清思遠夢繞華陽松桂寒我思象江老守
尤酷嗜不惜千金輦致來長安家無婦兒居無廬六
石與伍歡有餘義山賞識豈徒爾愛璫好尚極類古
人之意歟一杯下咽歌者誰南廊小子玉共谿

醉歌行燕平湖作時為平陽府判

蒼陂水漲玻璃滑堤柳含煙翠蒲茁當年亭館已陳
迹老樹遺臺猶秀拔我來置酒池上頭使君不負驄
馬遊縣曹供張散平碧呼集妓樂羅珍羞君侯一笑

開懷抱十日東風醉芳艸自嗟客子何所有春色三分二分老人生歡樂不易得况值清明時節好終年塵土簿書裏未礙金尊重傾倒湖光照眼明羅綺碧湫瑤翻歌扇底氣酣急遣張水娥取樂不論冠佩委溪風吹面穀紋生兩葉蘭舟鏡鼓起紅衣飛墜彩繩高沒入蒼煙驚躍鯉郡人亦喜歲華新四面縱觀空巷里佳人弄水被不祥公子聯鑣特觀美錦筵香細酒不空既醉窮歡忘誇靡溪神捧出柘枝娘翠袖娉婷矜便體繡靴畫鼓隨節翻羅鞵塵生步秋水一春盛集固云樂此會賓僚尤燕喜山陰脩楔晉諸賢暢叙幽情差可擬客言行春似蜀守醉到浣花而已矣樹梢晴日向斜暉使君皂蓋先醉歸就中二公最愛

敬移次臨流盡餘興一杯未了風翻浦山公倒載尋歸路自憐白髮非春事多為湘妃厭歌舞呼兒覓紙紀歲時不以斯文烏所覩至元乙亥三月春元已纔過日在寅浩歌月底還自笑醉裏詩成似有神上二謂洞知張明翽

玉壁城懷古至元甲戌冬十月廿五日由稷山入萬泉道出故城臨風吊古慨然有

作

我行河東幾欲遍大抵盤回山阜轉南崖高與北山齊玉壁城根分一綫荒煙廢壘點坏土砲具梯衝經百戰短碑盛說鄭君靈萬騎陰風想平甸一曲悲歌敕勒川當時神武已淒然韋公守禦儘良策更着百

升飛上天乃知誣殺咸陽日即是邕皇入鄴年鄭君
寬封號有宋元祐間廟碑邕即字
文武帝名建德六年平齊入鄴

聽祥師彈琴十二年四月初四日野奠崇福院作

冠帶對鳧吏三年簿書叢王事固執掌我祿亦已豐
有時意不愜耐此硯磊骨濁酒餘妙理中堅若為攻
朝來偶過野僧話禪房花木幽而通坐中靈府覺虛
寂祥師為我彈秋風古人不復作古意留焦桐秋聲
瀟瀟隨指發煙篆裊紫簾重悠然拂衣起遠日翻
冥鴻閑愁積思失所在盡隨槁葉一掃千林空

襄陵行

暮春庚辰日維丙駕言出遊事耕省西郊微雨半晴
陰幾點殘雲霧山頂馬蹄踏破落紅香飛蓋追隨垂

柳影晉人熟食一月節店舍無煙竈厨冷春到襄陵
滿縣花綠陰池館總姚家清尊遠酌會心賞不與鶯
燕爭春華盡輪蹄歸輶故堤沙金店西頭酒更嘉舉杯
為憶劉漢事雲龍風虎何紛拏帝淵東開蓄峻址青
衣行酒真驚麋褰帷一笑兩寂寞野老指點宮臺窪
萋迷悲碧荒城曲依舊溪流帶北斜

贈賈主簿德遠赴春官

唐風思遠非難治竊我官僚多自棄賈君三載趙城
簿一縣至今稱事秋風告別赴春官千里辭親不
憚難須知捧檄毛卿意要盡平生菽水歡

戴松畫牛圖

吳儂四時耕瘴煙吳牛見月心茫然戴郎此本極閑

逸筆意遠出韓公前，解縻脫鞅春事畢。江皋野艸香
羊綿，歸鞭影亂散平楚。考牧大侶斯，千篇因渠喚起
歸耕興。夢到西山各口田。

李營丘寒江晚捕圖

古人不地着，所向無賦租。漁蠻舟為家，一葉縱所如。
斜陽淡，明江湖。萬魚戢，依寒蒲。幾家罾網晚未
已，博酒欲得松江鱸。卧檣傍舫宿波面，不爾風浪防
艱虞。何當醉帶笭箬去，添我煙波作釣徒。

七夕日同府僚觀稼西郊

秋風瀟瀟，吹遠林。兩山極望秋禾深，同來觀稼憩樹
下。把酒一笑高槐陰。天公成事乃尔易，一雨變作豐
年吟。田家耘耔心未已，當午相看理荒穢。鋤端信有

三寸澤，更為禾頭添粒米。自憐微宦西復東，且喜所向
無災凶。丘民得所能事了，我祿雖薄亦已豐。老農堅話
使君惠，我曰論功歸太空。天子仁聖感召和氣致，時雍

黃崖行

黃崖峪深能幾許，殆似赭餘無足數。寧知竒石產山
腰，一脈砌如縈綬。組青章紫質含玉潤，錦罽爛斑驚
製綉。楚雖有材為晉用，山節星馳來歷覩。簡書專摘
正官臨，敢惜筋骸嘗險阻。褰裳上下谿谷間，石角鉤
衣互撐拄。是時秋暑八月交，背汗浹流氣煙吐。班荆
坐憩還自笑，汝是愛山王判府。守官四載愧無功，今
次於公竭肱股。後夫分功日有程，荷鍾持鉢編什伍。
摧堅扶礙先墓脚，不假鞭驅矜智取。風埃蔽壑散雲

烟巨石砢崖轟戰鼓不遑蠟屐阮孚遊真作伐山靈
運舉老翁炷香適何來再拜向山親呪詛溟滓終分
有此山其在晉邦羣玉圃山靈萃秀不自衛埋沒荒
山幾風雨材為世用出有時一旦承恩藉君武漢家
製度陋羸秦大起明堂朝海寓堂：天策干維城建
國分茅開雍土正須壯麗稱王宮不爾何能回萬舞
我今問翁汝何為扶杖叮嚀前致語翁云匠業居此
山薄伎傳家自吾祖我雖垂老喜見此側陋明揚遇
時主夕陽欲下山更好疊嶂攢峯爭媚嫉人為物蠹
固亶然石芍石芍今玉汝

曲沃道中與老農語

大尖山前好原隰隴畝橫縱忘南北人家種麥秋社

前一片蒼煙朝雨濕田家稍豐即升平十年遊宦初
無成會須了却人間世白髮歸來伴汝耕

新道成車中即事

蜀山天險古所畏少陵有懷真宰罪壯哉此舉見成
功一日連峰驚破碎老農偃倮向余言所謂一勞而
永逸相携徑下弱羊巔鳥語山容兩豁然牛箱籠負
連、出坐看輕塵抹白煙

金店馬生者贈余峴山圖走賦是詩以謝之

平生愛山復愛畫近歲長遊石林下暫還大府宿金
城喜得馬生同夜話共云馬生非畫徒見來情性温
而愉坐間贈余峴首畫江山秀潤與馬俱取之非欲

奪所好開卷即與馬生對坐隅物微意厚將何答走
賦新詩當乘珠

山中瓏研歌寄商左山副樞

有石有石玳瑁色遠出姑山兩岨側
我来伐采偶得之玉潤金鏗駭清越
海霞蒸發爛朝暎蒼雪糊模點晴碧
石中廼有此理存斷就庚子玄色璧
又如神龜負圖出淵水偃仆沙頭曝
秋日山中長夜有餘暇老眼看書苦
無力桃燈確洗愛竒章憑几坐餘腰
膝屈書生習氣老不除筆研留心朝
復夕自憐持此果安用欲擬三冬文
史畢呼兒起視夜何其斗柄參橫插
東北

題董少平廟壁

湖陽蒼頭虧政刑湖陽新貴帝女兄
漢家三尺有成約臣宜守法身為輕
主前取奴縛車下洛陽一市為震
驚大奴走匿魄已褫小奴側足回
輿行含悽入奏溫明殿後漢殿名
萬乘起謝難為情祇知強項古遺
直我愛世祖英而明一丘荒土青
山道下馬陵前拜秋草應笑摧姦
百鍊剛比之柔荑指堪繞

吳娃行至元十三年丙子歲冬十月廿八日宋皇太后謝氏次衛州唐津

東下故有是舟行

元年長星竟天芒謂至元也十年而後江東亡元城老

嫗忍不死奉壘北走朝

天玉內家監領分嬪嬙魚冠高髻猶宮粧翠衿縞袂
不曳地言語無異甌閩僮南來初渡鐘山江羅鞵去

踏燕雲霜。風塵千里河朔道。慘淡粉黛無晶光。憶昔
掖庭初選。入三十三。先後行。深宮花滿春。晝長芙蓉
水殿薰。風涼朝儀雙引。垂紫袖。珠瓏曉侍熏籠香。祇
知秦娥一生花裏活。眉嫵老。學吳山蒼。一朝兵合景
陽宮。故國繁華。侶夢中。兩宮問寢紫宸仗。往事盡逐
江烟空。黃帷幕野。侍水次。郡縣護送浮航。東萬人山
立看且嘆。亡國大略。今古同。太極殿前天子班。玉觴
上壽。頽龍顏。柴家母子何負汝。賜與僅免飢與寒。悠
悠萬事不可必。天道好還歸有德。就中此理誰會得。
蓮華峯下高眠客。

鎮州懷古

吏部聲華山斗重。身處平時若無用。積年王湊失臣

度。諉使賊庭。撩虎鬪。舉朝嘆惜。試不測。天意中間表
竒節。血衣滿前。盛氣臨一語。未畢克鋒折。鎮人萬目
矚使華。五紀得瞻唐。日月嗚呼。藏器於身。利有餘。不
遇蟠根何所別。

周卿二子歌

周曹兩家世系長。伯仁之德再世昌。諸孫說。見身
後。不數謝家蘭樹芳。大兒讀書。滿箱小兒竹馬青衫
郎。掌中瑜珥生輝光。紅點杏蕾爭晨妝。外家碧沼東
西堂。金粉滿貯芙蓉香。今冬書來召歸省。要盡百子
春池像。伯仁有靈亦含笑。紫川淵流殊未央。紫川淵
流真未央。

冬十月朔展墓回有感

新壘多故人少，野祭蕭蕭，滿荒草。十年重到故鄉山前，日兒童冠佩好。我時引鏡還自憐，五十衰翁能不老。正須萬事聽天公，不用時情生熱惱。流行坎止即吾師，試看古人誰盡了。

蕩樽歌 為宋少卿弘道賦

海居兩間勢雄尊，地維大荒足怪珍。春雷奮蟄地軸裂，氣擁蕩本驚輪困。雲蒸露濯玉幾圍，瘳異不數蒼筤孫。洞蛩杯飲變古法，鬱屈斧斲蒼龍根。一朝六鑿混沌竅，海潤猶帶風濤痕。初疑神螺闔首髻，鬢古復訝凍芋出土鵝。蹲坤塌古非禁酒國，桂醕碧漱滇池春。木蘭花發雪鸚囀，野飲挹彼供鯨吞。江妃竊弄山鬼看，深夜嘯擲吹燈昏。炎洲北走落君手，老節閱

世清而敦，廣平磊落書載腹。時汜妙理開清樽，金壘玉笋非我事。正須一日不可無此君，殷彛周卣列左右。碧花繡蒞腥龍紋，蕩之為尊尤可人。蹇予蕭散嵇劉客，黃爐久為河山隔。來遊都邑徒永久，苦戀明時無寸策。新豐樹色繞千官，滿馬京塵歌徧側。何時為渠醉倒花，渠眠一夢婆娑竹林國。

西京王生歌

君不見西京王生一布衣，游談公卿奚事為。解紛畫策作陰助，顧盼勢利輕塵泥。廷中結襪似倨傲，一語能釋當時疑。惜哉太史偶失世，與諱至今義烈猶光輝。乾坤英氣初未間，乃今復得是子趨人之急。逾已私襟期有在，許諾重駿足肯受黃金羈。凍雲曉拂銅

馳陌雪花澹與梅爭白平明東閣給事回家近沙堤
儘春色新詩吟繞錦窠香笑作平原眼中客人生百歲
駒過隙只有聲光為可惜丈夫適意杯酒間義氣愛
君多感激岷峨秀色錦江波萬斛醲薰貯胸臆細縵
都作濟時具辨與朽株為粉飾吹噓寒律變陽春未
讓王生謀緩急君家義鶻固有歌更為樊川搖醉筆

秋澗先生大全文集卷第七

嘉慶甲戌三夏日坐雨校

秋澗先生大全文集卷第八

七言古詩

入侍行贈董符寶

君家大兄吾故識君家三兄乃友執游談仰止有歲
年只有八郎初未覲八郎內侍五雲深五雲宮闕何
沉此此時密邇司獻納夙夕忠謹餘丹心人知掌中
金窠篆屈蟠螭重豈識兩袖中有蒼生霖採聽民瘼
懷惻怛細至稼穡艱苦歌謠情
聖皇達聰豈有既
天語夜久何叮嚀御屏香暖代鳴玉高枕安寢神遊
清翰忠往採時弊筆諫不數公權誠君不見西漢
元封神爵間兩朝貴幸張與金長楊蓮勺滿宮館正

以世閱遊從列九卿何如董侯剛方見特立大冠修
劍明月簪日華光動鬱金袍鳴鳳翔隼朝陽岑一從
通籍愈忠慤四海知有萬石木為富貴之所淫書生
薄游不足惜風化正爾基周南炎蒸幽朔今一軌好
承清問之燕請君一鼓解慍南風琴

小山行馬子卿簽事贈予小山子日

我昔乘東登泰山頂直度天門歷參井十年西走華陰
東仰面蓬峰落天影岱宗坐如太華立夢寐至今猶
耿々竭來塵土客京師長往無時空自省愛山復得
馬簽書相對高談冠佩整馬卿有石寄禪疏護持擬
與經函俱中峯魁岸大人坐兩峰傍翼殆若庭立而
議相承趨我因閒遊叩僧戶見之清興為起予摩挲

携去便許諾喜過中流失舟還得千金壺汲泉滌濯
挾泥滓特置斐几為膏濡君不見羅池謾作萬石記
娛悅已棄荒夷隅一拳泰岱墮吾前寸碧點出遙岑
圖博山香煖黃金爐細烟蒸潤翻飛鳧芳菲來助怪
石供縞帶一縷山腰紆有如岫雲雨歇歸洞府變化
滅沒還須臾羗予本是山澤臞澹然對之氣安舒年
來便靜百念冷今復樂此依佈仁者之徒欵山容忽
開欣我主瞑目便到秦觀吳觀之仙都茶甌去手風
生臆飄々如駕天門昇月明窓影印庭栢落々恍倚
秦松株地爐火熾紅艷發又似日觀坐看日出海湧
金輪孤茅齋一夕得此樂冷却案上熊燔腴微官不
到奇章公甲乙乃有奇章之一太湖它時南歸富潤

屋不愁室無僕孥居無廬殷懃厚既何以謝我欲贈之
雙瓊琚瓊琚雖美未足報拜贈新詩永為好

沙堤行

君不見漢家日月四百載比隆三代追唐姚經綸帝
業顧多士規隨始自曹與蕭又不見丙與魏孝宣中
興賴宏濟侶漸燮理化機衡重以文儒緣吏事羽毛
千古動雲霄黃閣清風兩無愧潭、政府中書堂朝
廷思治具畢張歷觀至元中統間諸公翺翔佐時昌
相君繼踵泰幕畫快決不數陳元康况今炎風朔雪
混一統軍國庶務何穰、一朝鳴佩見獨步息波鳳
沼翻晴光小心清慎當籌策人望翕爾稱賢良房謀
古推帷幄傑匪以杜斷疇能將璣旋衡幹日萬計夙

夜密勿心靡遑愛君南選禮公允要使四海桃李俱
芬芳我常叩君見餘蘊還進久已歸擊囊柳陰大道
沙堤長迤邐遠並官園傍錯金輕軟襯珂馬火城前
導光煌、行人走避歎禮絕焜耀赫奕何非常相君
報國有能事澤民三代君虞唐火城沙堤誠足當况
茲三陽排凝出九地君子道長群陰亡惜哉時乎不
易得為君一言陳斐狂蕭曹開濟固云重丙魏論思
詎可忘

羽林萬騎歌并引

至元丙子歲立春后三日醉入奉御宅明
日酒惡隱几坐殆不能為懷遂取通鑑閱
唐明皇帝清宮事蹟作古樂府一章號曰

羽林萬騎歌書示表弟韓從益且浮大白
 數四覺酒氣拂從指間出去矣其辭曰
 韋娘雞晨遵纂武牝雛啄李求太女履霜得冰忽深
 戒禍始房陵帝私語神龍殿前虹貫日王氣龍池濯
 煙縷羽林萬騎驍且雄守捉內外主陰風羈裁文豹
 虎衣炳扼腕久弗諸韋容潞州別駕眼橫電虬髯英
 姿真太宗暗中結納許清禁繼以幽求玄禮仙鳧忠
 玄武門前聽一鼓散亂天星隕如雨平明一掃妖氛
 空相王己是玄真主東城瑞靄朝日鮮五王甲第臨
 天淵三郎歸來龍在沼晴波翠灩終南烟開元隆平
 此張本烟火萬里春熙然誰圖勇斷蛾眉劍翻作環
 兒並轡鞭畫家有玉環並轡圖

瑞雪歌 丁丑歲正月初六日夜作

去歲一冬無雪雨地不藏陽變恒煦就中氣運北自
 南江表嚴凝比燕土今年正月日丙申我游中堂聞
 好語 聖恩滂濡來九天四海包徭盡蠲取宰臣奔
 走播德音雷厲風飛萬開寓油然雲葉合中天一雪
 平明幾尺許建章宮闕玉崔嵬華柳蓬萊氣先吐漢
 家燕南三百州千里飛章賀恩溥天人上下本一致
 和氣致祥乖則異方春甫頒寬大書埃翳四開天地
 閉春秋盈尺書有例太史紀言真上瑞都城十日沸
 歡聲宿麥連雲見豐歲民願
 聖皇千萬春長開明堂布恩惠元和老臣愛君深賀
 雨詩成伸戒勵小臣今作瑞雪歌要見天心愛民意

謁蘇墳 在汝州陝縣釣臺鄉娥眉山前

神嵩崩騰萬馬東，汝流西來橫玉虹。山川秀潤不少悴，知有峨眉老仙宅。其中先生立朝有大節，南遊天使完其忠。胷中英氣蟠不盡，餘蘊散作文章宗。天章昭回爛雲漢，下探萬古英靈空。前年西堂覩先生之真像，今年北山拜先生之堂封。嗟予何者有此幸，青藜得照龍淵宮。汝陽樓上重回首，安得追逐逸駕攀高風。滌濯固陋開顓蒙，公雖僵卧其猶龍。

雜言送文郎中子周宣慰江西道

君侯交游二十秋，胷次磊落誰與儔。湖海豪氣老不減，百尺高卧元龍樓。三年京師驄馬客，搏擊快侶鷹脫鞬。郎官民部終十月，持節撫慰江西州。堂、提封幾

千里，陽開陰闔無深幽。滕王閣上洪都酒，孤鷺殘霞重回首。江山滿目詠我歌，一曲陽關渭城柳。聖恩柔遠思悠久，化自周南同九有。大司綜理固多端，急手先須撫瘡痍。四民樂業兵有制，盡徹湖陂變耕畝。時驅大旆擁行軒，布德揚威趁春首。丈夫此時不有為，何者功名垂不朽。我雖鍛翮思奮飛，會把一麾仍出守。

義士姜侯歌 并序

歲辛亥秋，燕留守府叅謀劉坐事就死，屬其孤於友人姜君諾焉。既藉沒姜為伸理，其子達官怒其僭張弓擬之，姜不少懼，即裸胷以逆，遂義而從。其請自是姜君義烈

聞燕趙間後折節從趙雲夢學非其義一
介不取諸人丞相史公賢之以賓客禮焉
至元丙子冬同張彥魯入燕聞姜云亡追
念往事為歎歎者久之渡易水之悲風荆
卿已去念朱家之長者今復何人爰作歌
詩庶幾紹擊筑之遺音云姜諱迪祿世燕
人子尚其字也劉字正卿

叅軍屬孤出鬼幽姜侯諾之無蒂留一朝赤手編虎
鬚義氣凜：橫霜秋命輕義重泰山比白羽迎射身
熊侯孤兒孥歸免孥戮姜子拂衣無所欲朱家素擅
長者風睚眦推埋真碌：魚紋三尺澹秋波千丈聲
華光輦轂至今燕市人嘆羨五百年来未之見張卿

說似予作歌庶激清風代君傳

趙穆篆隸歌丁丑歲四月十六日作

古人富席玳瓊璨玉無玷兼善不並稱例為長所掩
予觀當塗文雄放雜淒淪一朝玉筋名餘作鋒鏑歛
是知學與才相須成琬琰六經學淵會熙緝光自燄
道藝貴自得舍瑟想曾點陽水嚮匪斯文徒祇解篆
畫方園撫千言落紙極停穩一雋而後將無餘明昌
王趙稱文儒問書竹溪真起予微言提撕何理到歸
讀六經茲本欵趙即脩：姿態殊十年弄筆好古書
嚮來客燕見其作殆似蟬欲蛻殼地遺膚去冬丙歲
復入燕趙即篆學起於前我為驚懼問所以答云近
得松岩之秘傳惜哉高君今已矣黃壤不沒蛟龍蟠

嶧碑歧鼓得遺法趙郎手追忘寢餐我因為渠槩一
言書至形似真徒然行逢碧落卧其下發塚親得中
郎編胷中塵俗何由蠲正需力讀經與史他時會見
將與松岩並驅相後先

食梅子有感

穉歲食梅矜行輩並掇連揮喙長喙近年羅列雖滿
前黃熟有餘聊雋味極餐不過三數枚老頰流酸牙
莫對物逐時新歲同人到中年凡事退潮陽南還
幸不死齒豁頭童足悲慨我今五十齒雖牢食不能
多行亦憊只有區區行志心若與公同人不逮

潛齋歌贈中山知府史子華

潛齋有志操不為浮榮污彞衰剝豪習概之詩與書

吳鈎佩錦帶寶校千金駒溢目不回顧棄如履與苴
嘗出試所學三年事徵輸衛人樂安便歲計公有餘
淵潛不自珍昭然霽芳譽不覲五載強去冬會燕都
與語覺道勝行身老諸儒神王氣骨清兩日秋鷹瞿
扣門來別我朱幡擁高車去作定州尹志意何安舒
余思潛之功於焉見容與中山物繁稱奧區燕南劇
郡此要途大兄持節官衡湖四郎按部參旗墟一門
昂足列清要正有報國忠而劬凝香燕寢供坐嘯紅
旗鐵馬無邊虞心清事簡自多暇輕裘錦爛光鄉閭
况君才高足為治聲聞日向天朝趨書來不必諮堯
議丈八盆邊有二蘇

長慶行酬暢純甫贈元白二集

長慶詞人幾勅教名動華夷說元白拾遺樂府即諫
章相國絲綸號新格天教韓柳出同時要使詩壇闔
清逸年來愛白復愛元老厭風花喜情實圖書東壁
點晶熒五十年來無是集有時擬賦三兩題斷簡殘
編僅佔畢暢君好書似鄴侯荷囊去躍龍驤舟臨江
醜酒參幕畫佳麗看盡東南州棄人所取：所棄青
帙萬卷堆行軸蒼江夜靜虹貫月不羨克敵琳琅珍
三吳歸來巾一幅蝦蟆池頭兩椽屋足跟不踏貴人
門磊落羣書載其腹自欣滯貨潤有餘贈我兩編償
不足恍遊赤水得玄珠笑入荆巖抱和玉脩：庭竹
北窓風准備殘年露騰覆

虎牢關行

至元二年夏六月予與總管陳慶甫考試洛陽東還汴京道出

其

鞏原北望河洛郊嵩邛東走脊尾高憶初洪水勢方
割湯：北匯深淵壕千年水去兩崖出天險東阮開
成臯中原失鹿在所逐河山戰氣秋蕭騷當年劉項
儘勅教阮生猶為嘆非豪竇王犄角更可笑如蛾赴
燎其能逃秋烟古戍深黃蒿狐狸夜上關頭嗥空餘
千古荒城路輸與行人說爾曹

送齊彥簽事湖南

廣平一生真相業老坐朝堂振孤節理明有守見不
疑萬事空來能勇決我游洛師北盧龍嗣侯共事多
相從文章翰墨有定價落：真有先相之遺風今年
白麻拜新寵去：按部江西東朝廷妙選正有謂雅

志不負温郎驄江南綠水天四圍秋風吹野百草腓
煩君華岳峰尖舉着眼飛翔覽德輝

商鼎歌并序

燕士張君文季讀書不求官治生不務富稍有贏餘
即購求古器書畫為事故其家藏三代已來鼎彝敦
卣及前賢法書名画甚富素負藻識遇夫竒妙不惜
資貨期於必得既得之傳觀借玩初不吝惜暇則明
窓斐几展布陳列廼沾沾而喜曰古人不作古意尚
在三代之英精諸賢之純粹今吾何修一朝盡得而
有之其稽古尚友之誠靜觀遠懷之樂於斯時也中
心充實意得所寓回視晉楚之富趙孟之貴不啻如
雲烟之過目遇佳客踵門焚香煮茗盡發秘藏為序

說家數評論其優劣雍容文雅有都城故家風味於足
稱也仙露寺僧寶藏商鼎有年不惜百金易而得之
愛玩不足復求館閣諸名勝詩詠喜為序其平生澹
癖仍以古調歌之其辭曰

維商賢君六七作禮重烝嘗制於鑠只緣近古俗忠
厚象形作器窮精鑿敦彝鍾鼎賜臣工重比謚贈縻
天爵當時文獻不足徵故家餘俗歸寥索蒼銅不逐
大社凶千古流傳誇灑噩供佛林頭夜壑深物歸所
好得真托張君稽古負精識入手摩挲三歎息兩耳
高撐足拱三六乳附觚何的歷饕餮繞腹雜雷紋紫
翠英：帳猶濕細觀款識商父丁崑玉南金非所惜
平生澹癖心不足此日大嚼情暢遠模形遠紹考古

圖發輝假手詞人筆君不見當年莘叟負謁湯高宗
彤祭雉雉高黃金塗耳玉鉉光此事傳聞已陳迹一
朝恍墮三毫間神明之器今日擊或哀沉烟讀誥盤
或挹殷谿煮巖石尚友直探三代英平生閱古心方畢

歸夢謠丁丑歲九月二十三日夜夢陳總管

作時為浙東宣慰使十二月二十日密縣王

縣尹至知公於九月七日為越之玉山賊

所害

五更歸夢東南長越州城府山蒼々我游不省夢中
客浮雲樓觀爭翱翔節齋枉駕來就見上廉遙喜瞻
清光倒衣走欲降塔接陳公出避朱門傍斯須往謁
登西堂要話久別傾肝腸我公不之見蕃師滿禪床

卉服魁結古碧眼須眉厖爭先問訊展恭恪青松亂
踏天花香就中老沙弥合爪伸圓吭向予致祝語陰
福來穰々鬼公因覲對佛子坐久心思方彷徨儻來
促起公召汝導我前往穿行廊追奔接踵歛不見如
瞽失相徒張々平頭闖首告前路終惑所往心為狂
惘然推枕若有喪但看落月滿屋梁我思與君別屈
指一載加相思葉黃江水碧神交日夜心曾遐自春
徂秋三入夢似恨海角天之涯吹燈信筆成詩句病
眼溪藤亂紫花時目病新愈又暗用
樂天元九紫藤花事

日蝕詩

至元十四載維龍集丁丑孟冬丙辰朔詰旦陰風吼
朝家有移告日蝕百司守伐鼓幣用社庶嗇閤奔走

都城千萬家竟日喧釜缶壯於田單兵聲勢助衝培
 盜水觀日景占刻入午辰三刻正陽精從西虧若有
 物噬吞初看偃珥玦再覩已半輪終風轉蓬勃天影
 慘以昏斯須食之既陽光部無垠始似昏暈鏡久乃
 挂鐵鉦團：溢陰影環輪玉為繩晴天朗晝藏厚夜
 九衢草：人面青衆宿不多出爭光見三星謂填星角大角
 也三宿只愁六鑿渾沌死蒼生百萬淪幽冥：向申
 正輪圓復其明炷香再拜立前廡心魄動盪久尚驚
 隣翁行年八十一如此災變見未曾我問長老說日
 月中有烏兔精顧兔固微物性狡陰邪萌人間三窟
 廠不處綠雲入月為家庭太陽養火烏赫：森神兵
 飼肉祝融家渴飲咸池冷三足利鈎戟炬火燃兩睛

焚：鐵作喙咏雲下開變陰晴曜靈壯汝觜與距外
 侮有犯烏維憑六龍頓轡或少軻知有神物擁護終
 是陰為懲不然日圍千里不一蓋棲尔其內將何營
 及茲陰精盛所歷乖常經陽烏雖神力寡弱勢重不
 敵從侵凌避集扶桑枝噤縮潛威靈想當既厄時如
 何炎官赤熛不率其徒來助勢與聲彤幢絳天鼓雷
 霆振烏挾日騰兩翮火吻噴薄推陰凝逐兔八月脇
 隱伏跽其形樸朔知所懼彌離黯光晶含章合玄度
 安曜周八紘天公此兩目萬古更不盲嗟予既匪義
 和官區：空抱傾陽誠天高不可階此事難其陳作
 詩擬月蝕欲見此志終或伸盧仝撫掌韓愈笑吾等
 狂德君其隣

南宮老仙雲山圖

米襄陽筆應奉李受益藏

南宮玉堂春晝晴
瑣窓霧垂幽思清
先生自宵次幾立
壑淡墨落紙詩無聲
白雲滅沒春山碧
萬木淋漓元氣濕
風煙自昔鹿門深
似愛龐公不浪出
襄陽雲卧思怡悅
不為濃纖爭巧拙
虛堂生白定何如
玉氣柱空虹貫月

盧仲傑送所逸東萊集二帙

盧卿贈我東萊編
偶逸二帙心茫然
朝來覓送喜欲舞
有似合浦珠還墳
要書不必三萬軸
挿架所貴皆成全
風軒讎校忘午寢
一讀三嘆鏗朱絃
每逢佳處時再歎
不惜兩眼遮昏烟
就中細味官箴作
覺我踈愚性最便

簽院趙公許惠歐蘇集作詩以問之

平生性癖耽墳籍
細字牛毛早年筆
只今五十眼昏花
清晝看時滿行黑
投身散地百無事
不著書遮如有失
趙公嗜書似鄴侯
不為章句非雕搜
縮持樞紐日多暇
借箸自有胸中籌
更尋往事較所處
有夢不到琳琅瓊
嗟余何者登瀛洲
殘膏未免窺前脩
澹然淵海鮫鱈翥
洞視千古蘇韓歐
文如不作取法捨
是三子將誰求窮
閭雖具何足玩
破碎熏黑支吟頭
牙籤挿架三萬軸
誰省浙本鋪銀鈎
或蘇或歐兩俱可
勿使石壁成空投
仁存義舉侯門事
却恐乘機似巧偷
仁存義舉用史記侯之門仁義存晉石壁見管子

涇陽鎮中秋贈馬御史
時子授監德昌司南下

去年中秋客燕山，把酒望月空雲烟。今秋此夕涇陽
鎮，六合一鏡懸青天。乾坤軒豁開真境，萬籟無聲露
華冷。京居多暇賞心違，長路無家此清景。須知世事
皆偶然，賸却私憂胃刺梗。同行喜得馬少遊，月下
樽還對影。愛君才氣白眉良，攬轡澄清知所省。豸冠
自古出儒冠，老鶴何為隨露警。人生幾度中秋月，不
學群兒歎圓缺。舉杯酌月月應聞，安得玄霜變華髮。
追逐諸君昌晚節。

小邊行一百五日同摠尹張彥亨赴小邊
口相視河流回馬上，偶作此詩。
北趨小邊相河，害坐看長堤驚裂壞。中流忍起劉子
歎，疏濬神功思禹大。憶當殘金竟河界，兩涯峽束如

紫帶靈鼉萬鼓動，地來洶洶聲聞千步外。堤防不議
四十年，河行虛壤任徙遷。乃今去京無一舍，衝波南
卧翻鯨鱣。今年築堤捍滄水，明年捲埽防洄淵。濤頭
况與酸棗直，南北高下尤相懸。既非經瀆久遂計，徒
費民力妨農田。正有避移策，上聞放之曠野從奔衝。
不然建議以土堙大堤，縷水橫西東。楫以木石東逾
鐘，遞河東去過京角。此是永逸無窮功，作詩擬達宣
房宮。

夢陳節齋

至元十六年己卯寒食夜，卧開封後堂。
夢節齋陳公，既覺呼童吹燈，信筆賦此。
追憶往事，令人短氣。書示正甫，敬甫二

君子同為一嘅也

花枝入簾春夢香遊絲翻空清晝長今年寒食客梁
苑追憶往事心彷徨前年考試登茲堂陳侯館予羅
酒漿拊床高詠逸興發不覺燈前大雨聲淋浪生平
曾臆向予盡使我肝胆爭開張重來物是人不復夜
夢見之晝微茫誰期此會乃死別剗血不滅吳雲蒼
攬衣起行步落月梅影滿庭空斷腸

信陵公子行與西溪同遊

春風獵獵吹輕裘聯鑣來作夷門遊今人遠憶魏公
子徑上吹臺上頭却秦存趙震九土誰意抱閔老
吏能此帷幄之良籌饑腸自古出奇策功成何害屠
沽流高皇布衣重公賢大梁城邊幾遲留一朝龍驤

開漢業舉功不復詢來由豈非慕蘭承餘休嘗讀太
史公今日把酒酌墓周當時朱門滿歌舞此日野草
荒山丘醉歌信陵行碧雲日暮寫我憂英雄割據雖
已矣高義凜凜橫清秋追攀逸駕那復得落日倚劍
看神州倚劍一作倚

題子猷迴舟圖

勾吳四時無正天盛寒之月猶春妍朝來一雪天地
白田父適喜爭狂顛宜其佳客逸思發乘興逕上山
陰舡煩襟囂慮一洗為蕭然江東名流說戴逵高談
禮法殷春雷子猷恐是虛華士竟棹空舟夜半回

山陽早發

疎星綴空淺月炯我行早發山陽境太行九月未黃

落一片秋光蕩林影愛山竟作三日留心下快活還
 自省江山登覽能幾度素髮飄蕭已垂領愧無明略
 濟清時性蹇才堪卧雲嶺長疑造物苦倒顛馬使守
 問車柱鼎十年欲作百岳遊此度徑來猶事梗勒迴
 俗駕似有意未許巖畊遂幽屏醉臺劍沼兩寂寞夢
 寐賞心終耿耿馬頭回首望山門白雲抹盡青山頂

雄狐行按部唐縣為小縣尉作

黃蒿古城狐晝行窟宅深固通精靈群狸闖首潛助
 勢蹠煙嘯月妖腰輕社翁不神名則在將假其柄先
 憑陵西隣有田奪已饜東家有羊頭指烹乘機侵刻
 恣所欲草棘蔽翳無由鷹老羆惑媚過不晚飢烏噤
 喙寒無聲我雖老鷲爪距禿一擊欲示終身懲遽然

脫去成漏網固厚其毒群心驚眼中雉兔盡何益使
 我拂鬱難為情歛翮坐覺秋風生

月老招飲

禪師慰我從事勞臨臯置酒來相邀西軒雖小面流
 水柳塘風物春飄瀟舣船一棹入法海照眼孤月翻
 雲濤既逢方外對佳景不飲亦復心陶况師有酒
 藏已久快吸儘足供鯨鰲張侯引吭歌未闕嘉甫抗
 首賡其騷杜鄉尚子噪於側冠佩倒落軒須毛僧云
 劉君更開爽惜不同醉持霜螯連揮大白不知數醉
 眼四顧天為高出門乘馬復班如壘酌已罄猶飄操
 一聲隣笛起落日追憶往昔懷英髦陵川已矣九帥
 死此樂無復爭禪逃眼中為我驚墜地悲風為我從

空號予雖老驥志有在為國涕下沾綈袍陌頭柳色
春向晚南塘碧水深幾篙簡書有程促又去悠離
思懸干旄醒來信筆紀其事雅集難再誇吾曹阿師
深藏莫輕示政恐見哂螟蛉豪

望黃金臺歌寄贈劉夢驥

君不見孔子脩春秋二百四十有二年燕人軟血終
一見下逮戰國尤茫然維南聲教恥不與苦羨齊魯
英多賢黃金不惜築此臺當時何限郭隗林政緣市
駿售其骨雲烟轉盼龍媒來古稱得士國無小甘棠
世業如天開悲風瀟易水暮往事不復令人哀昭
王之名傳永世黃金高臺安在哉

越雞行贈柔明憲使

君家素雞何異常來自越裳天一方又聞越溪之女
天下白臨水照影長相將久之氣感與俱化不覺粲
粲爭輝光兩足不盈握軟玉紅鱗芳孤唱有餘韻滿
啄鏘風簧丹砂暈頰絳冠小雪氍覆背銀絲長雅宜
宮閣催曉箭欄干五夜凝秋霜主人前年列朝行風
雲劍佩爭翱翔歸來故家對此物夜夢到雞人傍
呼僮愛養無遠出飲啄長使居中唐深沉庭院縈回
廊離三花影翻春陽今春哺雞凡幾輩晴雪亂點筠
籠香我從公子偶見索苦要鄙語為相償初心玩物
物反玩戲吐綵物信鳴吭他日雛孫求執贄不愁無
物餉韃郎

春溪小獵行

經略史公子明春溪小獵九公子有詩
以紀其樂索予同作至元庚辰三月三
日五夜燈下走筆賦此

春風兩岸春艸碧漫：溪流野鳧集花邊高塚卧麒
麟拜掃歸來見豪習一聲畫鼓警鳧飛霜鶻翻空看
橫擊離披五色墮馬前血洒平蕪驚半濕野橋淡
夕陽低回風颭：溪神泣不愁歸具衆賓須紅燭金
盤快鮮食將軍徃歲東西征苦竹崖傾江島赤高勳
烈：在雲臺婉戀龍姿見平昔平生得意在戰酣州
郡徒勞非我職明時政有逐禽樂醉聽清商還自適
鼻端出火耳生風夢裏弦聲聞霹靂君不見姚崇奉
詔趨新豐徑入長圍吐竒策呼鷹縱犬少年事大拜

曾從指蹤得君侯逸興浩無邊老作獵師三萬日帕
車過市奄新婦此事終為景宗叱自憐白髮兩眼昏
斫：窮年太玄筆
君王有夢渭濱畋苦恨非熊深自惜

野兕行

東山何高與雲齊松柏蒼蔚深巖栖龍潛虎伏變巨
測野兕何者依貌羆暮學豕怒嗥朝循羆所蹊睥睨
弱者肉獵食長愁廩內助陰血盛外增克艷平厖然
非不偉椎魯初何知時：具饜餘啖羆假其威復從
群獠弄舉措日傾危周顧忌投鼠將謂真得二獸之
幾微浸淫犯行路跋扈恣所為窺切乘物便大笑狸
怯狐多疑狐鶚憚弗擊林鳥噪而飛獵師厚其毒使

之自猖披一朝果投穿慘悴兩耳垂掉尾乞衆憐趨
蹌曾不如狐狸吁嗟野兕豕一懲不省為福基惴
且免行人悲

哀老殷辭

至元十七年三月二十日南詔進象過
安肅州軍戶老殷為象鼻束而死余適
覩其事乃作此辭

哀老殷平時皤為王民荷父幸不死鋒鏑胡為此
獸戕其身哀老殷賤且貧有兒十歲終解語有婦出
戶無完裙髮膚一旦委巨齒身後名在征南軍朝來
棺斂哭過市慘悲動梁臺人我聞白傳引馴象為
君諷諫何忠勤禽珍獸奇貴不畜此雖至馴安用云

偉哉樂天古良臣

憫雨行

至元十七年夏四月廿四日自東鹿縣
入深澤午憩西河鄉錄父老語車中足

成此詩時所在祈雨

旱蟲食桑葉無穀不出壠麥欲枯人間四月號清
潤物色慘悴幾焚如車前田峻向予說半歲無雨曾
霑濡春蚕滿箔棄欲盡鋤戶趨熟多空廬社翁致禱
略不神眊一雨何時蘇嘗聞古人遇災懼牲幣編
走山川雩內脩政務內自責念及女謁并包苴昨朝
冠蓋稱勸使田務督責須勤劬農非耕稼何所事勸
至無勸將何趨一和繆盩良有謂蜴蜥滿盩真無辜

我初聞言顏已厚，食不下咽心為瘉。憑軾歸時長嘆息，欲對畸人意先屈。因思漢相問行特，燮和恐是三公職。近年氣運倒險食，忍待須臾莫倉猝。驅車疾上指前途，落日蒼茫下喬木。

秋澗先生大全文集卷第八

甲戌三月十七日校

秋澗先生大全文集卷第九

七言古詩

滹沱流漸行

馮征西傳云世祖自薊馳至饒陽，蒞蒞亭南渡滹沱，入信都。王將軍霸稱冰堅可渡處，今鼓人指縣東北龍華鄉故河道曰全渡者，即其處也。且以饒陽取直趣冀，其經鼓縣東界無疑。但河自收國庚午徙縣南行流，問諸父老云：今七十有一年矣。春秋鼓聚在今縣西五里廢城，尚在今曰下曲陽者是也。至元唐辰夏，余按部是州，士子張春卿者請余紀

其事因為賦此

王郎何人著^柘枯黃欲與赤伏爭翱翔漢炎中斷天復
熾肘後頑石胡為光蕭王揮戈指幽薊戰血滿野風
塵蒼募兵返得市人喙當時南馳亦倉皇鳶鞞城東
濔水長北風烈天雨霜前驅候騎兩失色河雖流
漸無可航兔肩麥飯未下咽大冰橫合堅於梁古稱
王者阨不死淮陰一言殆天使赤龍已渡凌四開白
魚躍舟未逾此壇亭王氣如水清妖彗邠郟死灰耳
彼蒼有意開真主固令若輩先區處君看隴蜀最健
者一旦等蛙終漢虜王郎區安足數蒼茫此日龍
華渡漠野烟生綠樹留在長河閱世人萬古朝宗
浩東驚

布穀辭

按部饒陽行次劉楚馬上聞布穀偶得
此辭

秀^秀 暮涼朝雨濕耕墾離引繩直一聲布穀動前
村耒耜相望竟朝夕良苗芟入我鋤結舌深潛綠
蔭密田家衣食仰堪輿一勤之外初無餘嗚呼禽鳥
司農務勸課之吏當何如

惡鴟行

有鳥不世用其名曰鴟鴞前林崖窟黑飛鳴假狐妖
啄食公私間遼野為蕭條嬉飽摩高空遠觀聳盤鷗
不憂穴破老妖死惡聲向人恣喧囂正為腐鼠嚇有
鬚無廼撩病鶻困孤擊霜秋此其朝我病非苦飢我

困非為調點：垂兩翅坐使窺雲霄老拳固有利不利搏擊之志常超遙倘不與之護返為物所撓主人一呼良未報不緣自獵矜風標會當攫犬惡併驅若類直出六合分鸞臬錦鞬脫落青絲條

鴻鴈歌為馬仲溫卿求姊賦

膠輅幸脫長河津朔風慘：吹兵塵天摧地圯井峪易骨肉離散如驚麕吾宗積德僅不死有淚空洒天街雲歛傳伯姊落斥章女固有行遠弟昆怙恃既失寧復得：見女娣如見親最虞身在墮羈縶彼此契闊尤酸辛裹糧物色不憚遠西走懷洛東羸秦眼穿足繭幾萬里歲月荏苒三十春竭來古鄆天假便鴻鴈遽按秋風群相看喜極淚如雨恍若夢裏追離魂

軒：喜氣溢須勾此事希有爭謹聞金鸞誥書五花文紫藤肩輿繡羅茵馬君初非羨此樂一念有在明天倫君不見守真祿養始常事慎矜母奉宜相隣高平王氏觀津馬兩族玉顯全親恩更因識姊表宗系哀俗乃爾逢斯人為君濡毫紀孝愛要使竹帛流傳芬

健兒歌贈李裕鄉

南來見君喜殊常不為秩滿身精強掌中擎出一珠新大覺門戶生輝光此生抱負萬事足晚景雖迫心無遑頭圓骨緊眉目爽已解顧語呼爺娘阿宜自是樊川秀剩脩詩書滿百箱

贈滑州龍教授取新

蜀山相繆鬱蒼，龍君來自西南方。馳聲場屋少年事，筆底秀色翻巴湘。滑臺一落三十載，冉青鬢今秋霜。勅書在手無所得，坐老茅屋青衿屨。竭來聞君擅術數，萬有飛跳天星光。方圖據說頤蘊奧，解我中熱心違。又聞天人本一致，物欲將至先開祥。紫垣昨夜動光彩，進賢奕三台。芒書生薄命何足道，此去蒼生得小康。

馬天章畫廬山清曉圖

平生愛讀廬山高，不識廬山何面目。眼中忽墮此山真，萬疊蒼烟彭蠡曲。江南地卑苦炎蒸，煖翠濃嵐氣多鬱。馬卿幻作清曉圖，特為千峰濯秋骨。恍疑坐我瀑流下，淨盡煩襟貯清淑。何當杖履東林游，一樽共

吸江山醪

放猿詞

為提刑副使程介甫作有齋號俯仰

霜林萬葉翻朝紅，老狙夢到秋巖重。幾年胥靡辨兒劇，物失本性心為忡。主人誰似俯仰翁，放之遠野將何從。封龍雲深洞火暖，東山之西三山東。衝煙嘯月恣汝嬉，曉驚無復山人扉。歸時物情喜兩適，豈為尔心知不知。

田家謠

至元十九年九月九日作

君不見訖干山頭雀，翔集止其所。正緣生處樂，凍死不飛去。人生重鄉情，疇非戀吾土。丘壠蓋世守，耕鑿自父祖。一旦委之去，倉皇事羈旅。豈不知朝辭弊廬空，暮宿何人塢。身負逋逃名，此訣心良苦。我本耘田

客挨排為主戶歲無擔石儲日有箕歛聚刺肌醫却
眼前瘡肉至無剜瘡愈腐支持非一朝窘至空搖楚
東隣匝色日優游西里征家厭溫飲平時皞皞等王
民一苦一甘遽如許兩淮悠々田四開差徭不及無
火災比之老稚轉溝壑一飽而死猶春臺水深林茂
魚鳥樂此雖古語為時哀可堪大府督州縣親臨之
官胡為哉我初聞言為嘆息天網恢恢疎不失只今
六合混一家此雖遠逃何所適但思逋負洒餘民似
此被耽轉疲極

素馨辭并序

五代漢劉隱女曰素馨死其墓生花甚
香因以女名目之後人削降香作薄柿

以此花蒸之及藝比本品極清遠無濃
重勃鬱之氣顏公仲復謁余試之誠然
作是辭以紀其異

紫檀為屑世所珍降香變體吾未聞漢宮有女號素
君歿而墓花香若薰降檀氣味多濃鬱蒸以素馨清
且淑顏公袖出赤龍鱗入手如游泉香國夜深一炷
雲滿室素馨之魂降鶴骨君不見西施夢蘿山下子
膏沐深宮轉清美一朝吳亡隨范蠡隣女效顰終莫
儼素馨得名從此始

宣和寶墨歌 贈顏提點仲復

宣和殿深春晝長老徽宸翰昭回光墨卿入奏少許
可追逐五季參三張猶卑古法出新意萬笏細搗和

龍香宮鴉借色翻朝日三十六宮香霧濕鳳飛龍舞
九天來雙影盤落玄璧流傳人間今幾春顏公得
之知所珍有時一勺試曹溪翠研靈霽看玄雲錦囊
舉世為寶玩何知尤物反玩人以茲過客日有屬重
似連璧輕埃塵厖眉書客秋澗子老不道進技乃伸
右軍筆端有陣法需此白盾方通神作詩一笑師應
聞

寶鼎歌贈開元僧法恒

僧回來自勾吳天袖携寶鼎心欣然遠遊萬里無長
物愛此古色暈碧玉有煙土華千年不敢嚙夾底錚
錚堅比鐵雲雷繞腹走神光兩耳孤撐伸蠖屈駟我
初驚見魂魄動老眼增明喜生頰憶在玉堂觀博古

此鼎依稀冠周譜摩挲龍款四十九王自成周徙居
楚細看云是季妘彝享錫臣交無乃祖君不見殷盤
夏鼎今何有此物區區歷年久供佛林頭夜壑深一
旦胡為落吾手斯文三代周為郁孔意姬情予素守
嗜心既至開有先夜半燈前負之走僧恒拊掌喜有
歸却恐獅王怒如吼

義俠行并解題

予為王著作劍歌行繼更曰義俠或詢
其所以因為之解曰彼惡貫盈禍及天
下大臣當言天吏得以顯戮而著處心
積慮一旦以計殺之快則快矣終非正
理夫以匹夫之微竊殺生之柄豈非暴

豪邪不謂之俠可乎然大姦大惡凡民
罔不怒又以春秋法論亂臣賊子人
得以誅之不以義與之可乎又且以游
俠言古今若是者不數人如讓之止報
己私軻之劇軀無成較以此舉出于尋
常萬也况人臨小利害尚且顧父母
念妻子慮一發不當且致後患著之心
孰為不及此哉然所以略不顧藉者正
以義激於衷而奮捐一身為輕為天下
除害為重足見天之降衷仁人義士有
不得自私而已者此著之心也何以明
之事既露著不去自縛詣司敗以至臨

命氣不少挫而視死如歸誠殺身成名
季路仇牧死而不悔者也故以劒歌易
而為義俠云著字子明益都人少沉毅
有膽氣輕財重義不屑小節嘗為吏不
樂去而從軍後與妖僧高北行假千夫
長歸有此舉死年二十九時至元十九
年壬午歲三月十七日丁丑夜也

君不見悲風瀟、易水寒荆軻西去不復還狂圖祇
與蝥蛛靡至今恨骨埋秦關又不見豫讓義所激漆
身吞炭人不識劇軀止酬一己恩三制褰衣竟何益
超今冠古無與儔堂、義烈玉青州午年辰月丁丑
夜漢允策秘通神謀春坊代作魯兩觀卯魄已禡魯

夷猶袖中金鉞斬禹劍談笑馘取姦臣頭九重
天子為動色萬命拔出顛崖幽陂陀燕血濟時雨一
洗六合妖氛收丈夫百年等一死得其所鴻毛輜
我知精誠耿不滅白虹貫日霜橫秋潮頭不作子胥
怒地下當與龍逢游長歌落筆增慨慷覺我髮豎寒
颼颼燈前山鬼忽悲歎鐵面御史君其羞是月授南臺
侍御史故云

贈僧芝菴

我吟越雞行君在西溪席軒然一笑喜相逢秋水為
神犀揮骨西溪提筆顧余言渠乃芝菴名甚藉下階
揚袂遽別去三載不聞音與迹竭來扣門忽相過促
膝高談論平昔升堂幾作獅子吼雨花散空衣不濕
近便野水洗心法埴廟龍宮如避敵南游梁衛東入

魯所在英豪多舊識公材吏用眾所稱風土河東見
雄碩皇仁義昌黎公當時救世心何亟浮屠往來
非一輩例欲加冠嗟莫及芝菴洒落澄觀流我匪潮
陽徒感激歷山風煙春事深七十二泉俱可吟一菴
靜卧挂飛錫布地不羨千黃金只緣萬象森羅妙剎
處行窩是賞音

題右相文獻公西鹿圖

明昌昇平兵四偃帝樂餘閑見玉顯時從靈囿讌嘉
賓復引詞臣事秋獮風流右相東丹孫不為丹青待
游輦睠焉德業魏文貞下遂物宜隨翫毼泰和行宮
漢五柞榭葉秋山如繡錯鹿鳴不盡君臣歡扈從歸
來寫慶角群遙知擇美蔭游雅馴似應駟虞作食苹

呼友見天全筆底龍騰驚濯蒼然角尾千金姿我
拭老眼三見之至元甲寅年觀王氏所藏公画卧鹿二
廿一年甲申三月十四日于曾就中雪毳何多出恐是
孫耶律義甫處又觀三鹿圖

當年獻瑞詩

桑災嘆

穉桑發暮春綠葉光旒田家歲計固不常農婦相
桑埽蠶蟻黑霜一夜從天來萬樹焦枯遭燎燬今春
繼以海多風剪碎枝條生意靡天孫仰訴錦機空寓
氏倚壇如喪妣蚕生時序三月尾過晚終非應時美
只緣闕飼勒遲生徃中乾空滿紙山東自古絲纈
窟大收之年有不熟一婦不蚕天下寒况復例災過
慘酷縵袍雖弊歲可卒所嗟盛陽月陰凝返尔肅府

州文移速於火稍緩申期慮難復不知和氣誰所傷
田野疲疋先被毒部家科勘動正月中省限催嫌不
促老農倚樹嘆不已頻年桑災免絲徵楮幣人言此
是前省過但恐已免復徵催又似去年秋稅例

入奏行美

聖政而重民急也一作免租謠
贈崔中丞

君不見燕南飢民行且泣膏澤屯來三百日蚕沙啣
盡木皮空判末草根充糗食追胥星火縣帖嚴官不
汝憐需稅石人生鄉土孰不戀一殍迫臨那得惜扶
羸載瘠總南逋鵲面烏形猶努力比之生斃不相保
趨熟庶幾延旦夕刑司府解兩虛文道路無言空嘆
息吾

皇德並唐虞聖軫慮斯民期日靖傳聞一介或可相
不問草茅分政柄因思治道責有歸未洽鴻熙臣下
病總豐祿秩即患失又以材踈難仰稱蹲而不去噤
無聲老鳳饑鳥同一證兩臺入奏沃淵衷蹴踏群疑
開善政盡蠲秋賦出御女百色支供皆省併若稽黃
屋
帝克心一語人安無不聽萬方歡喜聲一槩遠過漢
家寬大令三錢斗米說開元二稅戶除聞大定限田
固是平世法未免區區與民競况今江淮歲入數不
貲經畫有方財恐贖人和天地氣自舒一雨行隨明
詔應老癯扶杖願少留人賴
鴻恩極懸罄兩河千里麥青預賀有年

天子慶是年三月廿七日燕迤南至
河南皆大雨有三二尺處

紫藤花歌并序

癸未歲三月二十八日宋賓客乘澤車

過道官訪余時庭中紫藤花盛爛若錦
螭道師蕭公邀宋與余坐藤陰下尋友
人張明之亦至酒數行開口笑粲殊遠
然也宋因出名紙屬予作字一春天氣
不佳此日頗清潤可愛既援毫覺幽香
馥郁時集筆端放手喜書初不計其工
拙也遂話及樂天夢元九故事予曰二
公雖神交如此恐未若今日之樂術也
若取紫桐詩例賦長句歌之以為他年

林下一段奇事可乎采白吾子便可承
當遂率爾而作歌曰

竹宮瑣牕雲霧垂紫藤花發何歲蕤仙家駐景出異
供橫揜桃李無晶輝群蛟奮蟄力猶困鱗鬣不耐淒
風吹天孫夜擲紫霞被滿意下覆須春曦幽禽縮喙
不敢咏囚鎖恐泄蒼精機又如王愷紫絲障誇雄鬪
侈光陸離倒冠落佩衆賓醉臨風零亂千纓綫虬柯
扶踈散蒼翠季倫擊碎珊瑚枝青宮賓客今園綺枚
藜來扣仙人扉遙驚紫艷翻半空造物乃尔爭新奇
君不見香山老居士夢與元九神交馳覺來清吟增
悵望紫桐花下空懷思何如吾儕時燕集對林話久
藤陰移興餘屬我埽牋素爛柯不着山間棊刺簷入

戶要學騰蛟螭鳥歸花落香下來時集毫彩露人衣
一杯春露助香潤清氣貯滿詩人脾依：青島厨煙
起好命庖人辦新美炷香供具禱群龍莫學癡藤蟠
未已燕南饑民飢欲死時普旱無雨二載矣

聽馬姬彈明妃引

疎簾映閣春晝晴篆煙一線浮雲紫主人娛賓出雅
樂疑是雪江一派分得岷峨清當窓初調逸餘響大
絃琅然小者音冷：衣冠四顧靜且好漸覺指頭漸
瀝風沙驚白云明妃出塞引當時去國難為情黃雲
馬上幾千里昭陽宮殿孤鴻冥琵琶恨絕環珮冷漢
月空照黃昏城千年謾向圖畫見一曲能寫離鸞聲
我非聲學固不解古道古琴誰復聽洋：盈耳紛秦

篆非養崇國不始古也

讀舜廟碑

西園過舜祠入真陽庵觀唐貞元間顏魯公子顏所書幽州節度使韋稔重脩舜祠碑書畫端莊殊有父風
劉君邀予閒散遠行遇西園感疇昔來遊長憶至元初隱故墻猶竹色半陂春水浸遺臺歲與都人作寒食綠波乾後燕無泥野粉飄香土華碧相將步入野人廬求訪貞元虞廟迹我欲遠叫蒼梧雲重華一去寧復得殘碑不逐劫灰空扶持信有神明力道人拱手說向予拂拭顏書三嘆息

聚星鳳池硯歌

宋賓客弘道出端研示予背有七眼題曰星聚鳳池其狀皆作人目平豎蓋未嘗見也先生喜翰墨又目疾新愈即得此硯豈尤物有歸將為文字之祥耶將洞發神光增雙明於桑榆之境耶喜為作詩以歌之其詞曰

硯之同功甲與鉞試之敵場惟利堅其或返是奚用焉嗚呼此硯從何傳墨華猶帶紅雲鮮景星會弁舌有泉鳳池春漲光流淵松風瑟瑟聽磨研若看淚眼真茫然斲手愛惜猶珠蟻江山秀發駭一世乃今碧眼開癯仙先生神光還舊觀皎如明月澄秋烟潛心

雖澹開有兆不尔此物胡為前
硯園喚起襄陽米走
虺驚蛇見醉顛

贈張道士
字懷玉孟津人自童子入道通易學莊老等書曾為長春宮講師

大方之家本靜虛
天地俯仰真蘆鷄
鵬氣化分小
大二者角勝相乘除
天真所至自行火
閨風蓬苑皆
焚如先生超
萬里鶴跼躄
昔受樊籠拘
潛心大易
中有得南華
禦寇資譚餘
未容飲啄遠
難驚歷遍物
表須人徒紫微
二兄老且健
一念天顯存
斯須今春
掛囊海子觀
此身之外簞
瓢無鶴鷄
何嘗沙水寒
心迹自與閒
雲俱君不見
三節道士稱
博洽當暑講
說方舒徐
怪魁適從何
處來怒罵似
世仙經樞張
鍊師宜何居
談天有舌儘
雄辨閱世雖
泊寧忘軀
神仙近

日足官府道心元與時
情踈屨盈鄭圃適為累
慎勿出口它人狙
河南秋熟一萬里
適身丘壑真良圖
少室山玉華溪紫芝
啐青松肥吾獨胡為
坐長飢約君歸袖風披

辛夷花歌
癸未四月十三日新樂道中作

樂城南沙水
泚在漢名為新市里
中山遊燕此離宮
亭沼當年百花底
至今辛夷植縣圃
我初來觀欣細履
碧桐為身梅作葉
好雨初晴更娟美
千年故苑風土香
艸木含滋猶泥
每逢臈盡花已苞
滿眼故家毛穎子
宛然白責挿秦冠
載事彤庭紛內史
春風芙蓉散木末
紅影亭失秋水騷
人取爾為楫梁託
物豈獨誇芬芳
柔姿中有孤潔操
首出庶物翻春陽

我因繞樹三嘆息喚起湘纍共一觴

至元癸未夏四月廿五日同獲鹿主簿蓋義甫同遊封龍山觀宋人碑云昔趙駱元服之遲老還童花徐白所種徐來勅授丹元素

龍首峰高幾千尺暮雨濯山更碧我遊上觀風日

清手弄寒泉看龜石幽人愛泉說向余藉此岳栖從

自昔駱元真遇事微茫丹素曾傳不死方山林長往

世所有白日仙去誠荒唐祇有徐童花色異秋風開

處滿山香

題桃源圖後

至元癸未夏五月二十日經略史公邀余樓居燕語仍出示桃源古画二大軸蓋

佳筆也公因詢茲事有無其意果云何者明日賦此詩以呈

君侯示我桃源圖絹素剝裂丹青渝衣冠俎豆三代

古髣髴物色開華胥當時傳記羨樂土序說本末何

敷腴半山歌詠似擬實昌黎論列疑其虛千年繪彩

是遺跡桃源之境誠有無君不見淵明千古士心遠

與世疎羲皇而上每自况肯隨澤雉樊籠拘絃歌歸

來朝市改故山田園松菊蕪斜川風景固足佳未免

隔皆仙居桃花流水窈然在放浪而即斯人徒放浪
而即斯人徒

贈九萬戶

昂藏野鶴誰能馴澤雉雖美終無神一篇秋水江海

閣兩袖醉墨雲烟春猿翁學劍事跡秘蘭舌解紛詞

調新萬事人間歸一喙雙旌燭影見來頻劉沔事沔

嘗為捉生將及拜大將有人授燭二枝

嗟：住河濱

嗟：住河濱頻河之患愁殺人虎狼雖暴猶可禦秋

水時至其容奔農民家近野河居活計趁種河之淤

比年早曠我頗獲餬口之外供王租昨時一雨川澤

通黑浪夜捲田廬空畸人何止賦分薄有家舉葬魚

腹中嗚呼山虞虎害水即毀拍瘡斯民老則已

滹沱秋漲行七月十日范家渡作

君不聞蒙莊說秋水兩溪猶見馬與牛今年滹沱水

大漲墟落泯：生魚頭雲蒸老雨注萬壑上不少止

下可憂馮夷不受土所制黑浪怒蹴鼃鼉遊望洋東

視誇海若似憤蛙比跳躍井坎湫金行氣肅坎且縮

狂瀾不逐西風收東行我濟小范口水勢淼濟方滯

流秋禾盡為魚鱉餌廬舍漂蕩迷田疇二年早曠例

乏食彼稷幸得逢今秋嗟哉一飯到口角滄沒無望

將誰尤河防久廢不復古惟預捷治為良籌翻堤決

岸勢不已雖有人力誰能謀近年遇災幸無事其或

成患徒嗟詼兩河農民被災者逃避無所栖林丘夜

深投宿聞聚哭悲聲暗與蟲聲啾

謝安從事見贈放生池碑本

我嗜顏書觀欲遍獨有放生碑未見昨過高齋偶得

之喜氣津、醉吾面安卿捧持即見遺物遇真賞茲

何為擬渠所愛適余願風義矯、非君誰君不見集

古書成叙說長玩而欲老希歐陽最憐茗雪溪邊月

一夜分光照客沐

紀夢

癸未夏六月十一日夜夢劉使君相過

腰間佩一寶劍解以示予又袖出書一

卷曰此君先世筆也帝色黯慘字類離

堆用朱鈎填若新髮漆者與之語甚洽

劉兒肖河間劉清卿既而為風雨驚覺

聞夜漏下三十刻矣

劉使君跨蒼麟翩然而來空際雲腰間寶玦佩兩劍

青蛇躍出光粼、誰為味平昔款語情何親復為袖

出先世書一卷帝色黯慘皆奇文大如離堆幾百字

鈎絡朱墨殆似髹漆新殘夢忽隨風雨斷破窓驚聽

怒濤奔

平原行 至元甲申歲正月作

羯奴騁兵傷濫思天寶之禍將自焚三郎宮中略不

省履霜有戒知何人平原蹇、真王臣沉慮久識幽

營氛泛舟從酒運奇略一日樓櫓驚雲屯鐵舉南來

從獵火河朔風靡煙塵昏孤城平地獨與抗勇鼓義

旅爭鯨吞西開土門倚蛇陣南激睢守遮淮垠滔天
腥穢思一掃誓與此羯不兩存書生信能立大事竟
掣賊肘西南奔事雖曠代有足感魯公之義世所尊
我來弔古增感慨蒼煙艸樹連荒園欲尋遺廟不復
見寶朔留在東方珉栖蓋亭青野日曛平原城下酌
忠魂朝廷何嘗容直道志士蹈難甘捐身此心自視
無愧已一時知否非所論嗟余何者敢跋屣屢書不
厭泉鸞分當年紀載兩鬼域九泉奄：隨埃塵先生
一死固不朽雅操何趨同松筠故應烈日秋霜氣千
古堂：凜若神

常山太守歌

天寶之政植禍根明皇宴安如不聞海棠紅嬌荔支

綠玉笛吹滿長安春潼關之甲空璘：曲江水邊多
麗人羯奴東歸叛意決先以羽獵驅其群朔風萬馬
捲遼碣殺氣已慘澹沱垠常山太守臣顏昕聲勢東
合平原軍憤提一旅狗國難擒馘心手遮橫奔桓：
袁侯復何壯旁翼勁翮張其鱗長蛇中擊斲首尾後
掣其肘前行屯西開土門引義幟再廓宇宙清埃氛
天令完節畀二子漁陽游騎徒紛：天津一死有餘
烈夢入帝寢何其神只應千古雷霆氣長與先生洒
怒嗔

負籠行

至元九年四月刑臺
作命植於易等處

炎風吹沙官路赫穰：羣奔密如織筠籠脩檐不留
行一寸萋藤土膏濕萋藤来自海南陬厥貢不入禹

所收一朝進御列珍品何異草澤加公侯昌黎不須
感二鳥物有時遇非人謀志士何苦身岩幽

秋澗先生大全文集卷第九

甲戌三月十八日晴霽校

秋澗先生大全文集卷第十

七言古詩

華不注歌

齊州山水天下無樂源之峻華峰孤秦鞭有力驅不
去天遣一柱標齊墟初疑太素女媧氏補天斷手茲
遺餘又如翠鳳翥郊藪來應世瑞開昌圖南山連絡
雖可愛未免阿附相承趨孤撐直上夾石碣猛視又
似天門龜慶封齊豹兩元惡哆嚙猶露雠牙須不然
齊太史冤血凝碧老不渝化成直筆挿天外堂使
表春秋誅乾坤乃有此雄跨未許鵲藥爭頭顱江山
勝槩儘軒豁遠客吟眺增躊躇李白上天不可呼雲
煙變化何須史後人摹寫觀天巧百匝空遠青芙蓉

文章李杜光燄在有詩無詩將何如我思齊晉迭雄
長山靈枉被兵埃汚桓公九合猶霸事三周其下真
誇說會須挾策凌絕頂望入蒼梧叫帝虞

釣突泉歌

沈流峻發王屋顛世以獨達神其源不知悍駛勢所
激玉虹那待馮夷鞭狀流渴馬穿歷背海眼洞徹開
龍淵嘗聞棄糠黑灣復此出明見下與地脉相勾連
雲魚吹浪雪濤湧鱗屋擊鼓春雷翻我初來觀冬十
月陰火下煮湯池煙洪濛元氣東山作蒼江屈注倒
景懸少陵撫掌嘆奇絕未若玉塔突起掀晴瀾天機
幻出此怪供欲洒飛雨清塵寰當年小白會水上春
秋見書名不刊吐哉齊晉兩蠻觸千古事徃風雲閑

漢家包海歸一統霸氣何有諸侯壇清冷無復軟血
汙臆沸不洗陳恒奸我讀太史書風聲氣習隨山川
齊人闊達多匿智政恐功利為當然安得此泉盡變
作醇酎一醉浩：還吾天

東坡海南醉歸圖

元祐諸人等圭璧司馬之相國柱石什碑錮黨無不
至棄若泥沙初不惜當時何有雪堂翁一斤南荒無
復出那知茲遊奇絕神所相海水天容清一色鐵杖
橫秋瘴霧空新詩落筆魚龍泣楓香樹高溪雨濛醉
挾黃衫兩頰紅多隨父老燕同社或喜契順來相從
一朝竟作遷客沒造物未見哀龍鐘豈其中州淑氣
到尔恐終絕故令着此眉山公故令着此眉山公

河水篇

唐申前三年予以事赴汴次中灤值雪
 者三日時大河走凌因臥船蓬間聽河
 冰拉船而下其聲瑟瑟可愛嘗欲一詩
 執筆輒罷今日率尔得此殊適然也時
 至元廿二年秋七月廿一日也
 大河凝寒冰走片岸深争逐盤渦轉沙頭卧
 船凍欲僵細憂舡舡聲自顫幽人蓬底聞何清
 錚錚劍佩相磨鳴鳴如竹軒瀟洒帝羊罽醉枕
 夢破風冷錢塘水樂世所愛求音寂寞將誰聽
 安得湘妃鼓瑤瑟波間細寫宮商聲朝來賦就
 河冰篇胷中餘韻猶脩然浮聲切響何足異記我
 灤津待渡年

短歌行

政彦材作

君自分携今一紀疇昔四更來夢裏金鞍相值瘦陶
 南君亦遠回還故里酡顏喜意見眉間欲叙寒暄先
 称椅也君諱相隨行過縣解西指說民居昔何羨邀臨
 甲第子力辭亦為前征趣行李夢中不悟死生分別
 后寄聲無棄鄙探囊傾下粒粒香送余不到河之梁
 囑余南去路亦遠持此贈君為裹粮恍然形開無所
 見落月照屋空微茫瀟瀟春草宮牆綠暮雨梨花寒
 食曲樽前浩唱意何長轉首先輸光景促我思夢境
 再目開君侯施胡為來賦詩非欲徵後事今世死
 別真堪哀因見故人雖遠猶在當時懷

荒雞行

乙酉九月四日

茅檐月落霜稜。夜半起聽荒雞聲。不知首唱自何處。嗒。滿城爭亂鳴。爾緣氣類司早晏。乃今失職能無驚。淒風吹空星斗黑。漫。長夜何時明。萬事紛紜每如此。不煩劍舞蹴琨輿。

龍在田詩

我夢長橋秋水落。俯瞰澄淵見蛟鱉。絳綃百尺卧彩虹。足尾鱗蒼閃煙壑。我因投石起幽潛。不待雷轟隨奮躍。神光照野驚在田。驤首徐行軒鬣角。野人奔看若雲從。沟。呼聲連寥廓。余方闔視女牆間。走欲攀鱗不知却。超危如坦略無難。歛墮崑梯如丹閣。寶香佛界幾龍龕。萬拱千梁金碧錯。恍然夢覺聽夜漏。四鼓將闌五更作。因車夢蓋此何因。無乃吉徵先我覺。

龍為乾陽主。善幻既見于田。德施博乘高臨下。近清光雖險當前。無所遁行穿崑閭。得金界動止其間。為善樂援毫億度。兼記時仲冬辛卯之夕。歲在噩。

讀五代史記作古樂府五首

楊柳枝辭

唐昭宗天復三年。梁王溫辭歸鎮。留宴壽春殿。又餞於延喜樓。上臨軒泣別。因賜楊柳枝辭。今亡。乃為補作。

楊柳枝風吹何裊。暖煙如織綠絲柔。延喜樓前春色好。臨軒奏曲送行頻。梁王重有回天勳。一忠之外何復去。安得高祖太宗之業如柳新。

檀來歌

汎樓舫下淮浦百萬豺貅歌且舞不殺降不掠虜吾
君帛伐真湯武爾檀來不欺汝皞皞王風樂吾土

椒蘭怨

昭皇迫東遷望絕忠臣援堂鴈門兵祗足速禍變
帝酣長星杯醉魄迷椒殿神龍失水肌上肉惡泉咏
門夜漏半龍輿赤霧夫為紅一竈三百皆皇宗唐家
大業至此盡自古亡國未有若此之哀恫梁王歸罪
將誰給奴輩雖誅天有在金祥殿空殺氣高賤珪白
刃專相待

汜水行

五季權在兵迷順係財賄同光當宁能幾朝北雞司
晨傾內外添都買宴物山積盡入掖庭充內費君王

政荒優宦狎將相無辜恣誅殺蜀資百萬賊所徼縱
有其能供近渴一夫夜呼汜水東絳霄樓頭兵反攻
雍陵竟墮所好死英武香逐仙音空先皇有識如湘
問三矢雖還未克終

劉山人歌

劉山人黃鬚糝糊衣袖樓著囊藥笈手自携親詣宮
門來省女將軍物色不少差其奈后方爭寵媼被駁
吾父已兵死何物田翁來辱污椒房恩遇望遂空破
帽東歸心痛楚長吁行念樂天歌不重生男重生女
此事到吾為妄語嗚呼五季皆天民人倫濁亂疎反
親當時乘盃同一氣天理何有劉山人劉山人莫悲
泣伎方終老固賤貧却免誅夷為外戚

後飼牛辭

春半我田耕未辦兒輩休稱牛力緩自冬皂養日已
久當用猶羸功有間吾今勗汝則聞朝昏飲食無
過勤兩家計口三百指一飽入手皆渠身三公投筆
尚歸畝况我本是蓬蒿人微茫煙雨孤村底思與天
隨作近隣

春寒曲

家居對病妻書空咄怪事人生百歲能幾時風雨憂
愁還半是一春寒克中傷人紅朋碧友潛酸辛今朝
晴暖烏鵲喜寒食數日無多春脫巾自漉沐頭釀待
與東皇共一樽

驅狼行

隔溪衆號呼驚視驅兩狼窺伏草莽間毛色隨蒼茫
此物胡為來顧睨何揚我觀五行嘗據理論災祥
吏貪政暴狼嚙人此說聞自蔡邕與京房近傳共縣
東殺人食路傍獸威孰擅恐自爾竿不獨刃良弓藏
又云村墟去山邇群行獵食為尋常豺狼當路古所
畏野獸走壙何庸傷君不見漢家良吏罷與黃當年
異績何章嘉禾朱艸滿郊數麒麟鳳鳥爭翱翔

寶鴨歌

天雨新晴秋氣肅時秋霖晴霽暗用賈誼秘書近住
城西曲入門坐定有餘清訪司馬季主事物翩然寶
鴨立玉洲儘着龍香貯脩腹麝煤融液須使間藍田
春暖煙生玉引亢不惜吐氲氲要徹天心穿月窟漢

宮豈數博山高晉煖休談鵲尾禿劉著作勿輕出長
慮王孫金彈丸醉中疑似來相觸

漢宣帝幸池陽宮圖 李伯時筆

武皇雄吞老未已歲開邊兵四起嫖姚出塞屢策
勲武繫陵降終國恥騰凌蹂藉五十年饗功歸到曾
孫宣萬方解辦盡內屬龍庭南北無烽煙池陽五柞
郊歌裏五日賜酺餘燕喜呼韓稽顙謁甘泉欲示雄
誇先就却大陳還縱萬人觀豈獨珍奇紛錦綺歡呼
歸作北庭藩萬代稱觴甥舅禮君王燕犒不知勞鸞
旗直上中渭橋茂陵王氣如水清建章宮殿春雲高
從此臨軒舒化日一聲宮漏出花遙 出花遙一作等虞
韶宮漏一作清蹕
入奏行送右丞史侯

十年不見汾陽面萬里朝

天來海甸神鋒照眼倚青冥黃色充庭明羽扇張燈
開宴見談喙慘澹風雲餘百戰嚮來作牧與開府總
道臨機能制變漢家六合頓宏綱民事正煩真宰便
只緣報國忠義炯幾度恩綸回睿眷我識君侯禮數
寬德威無地不交驩此行入見想膚奏大計不出兵
民安兵民安古人念此良為難因思先相台衡日退
食歸來事簡編

送雪棠南行

雪棠矯僧中英今年遠作餘杭行竭來過衛首謁
余特以贈言為罷榮君不見韓潮陽昔交僧縱暢與
澄詠歌序別欲傾倒祇以文雅為推稱不似阿師高

義烟要飛花雨到南溟

樂閒老人歌

奴哥總管姓栢德名繼昌以小字行蓋
灞陵舊將軍也今閑居鄧下自號樂閒
老人聞予名甚喜詢所以襟抱有不期
同而同者千里求詩此意不可辜也因
賦是歌以贈庶幾酒酣耳熱後放聲而
歌之猶足以見故家餘習云
浮生擾：駒過隙守虜抱囚真可惜晦明光景一月
間開口笑談能幾日一閑未老方是閑已老謀閑何
所及須信閑人是貴人東縛軒裳枯亡客况復筋骸
血氣衰聖有嘉言戒貪得樂閒老人達此理自放閒

身樂山水君侯年甫五十踰解官歸卧南陽廬風雲
寤寐鞍馬事錦鞬脱落秋鷹孤飛揚跋尾竟何用此
身健在閒為娛大詔掛壁龍在匣追逐弋釣須鳧魚
有時逸氣蟠不盡猶擬去射南山菟君不見邵平東
陵時何若瓜田心自如後堂種竹前圃蔬月下自理
淵明鋤客人大笑猶有事茶鐺煮月糟丘鋪古人往
往以樂老此意殆與君相符我今天地亦佚老聞君
此懷良起予何當杖屨與君約江山佳處身岩居半
山喚起浮休仙窪尊一醉傾吾餘風流肯落六客後
吟嘯當作三賢圖醉中為將桓侯鬚君其樂矣歌鳴

醉道士歌

秋九月二十四日予方曳杖出門有道
士野服褐冠倚立棖下予邀坐階庇瞪
目視予者久之曰觀君風骨蓋李唐人
也心事好但蹤跡蹉跎多失事機可惜
可惜雖然得年八十餘數八後當有
顯擢予言可切記也飲之酒醺然而去
時至元二十四年丁亥歲也因作歌以
紀其事

門前落葉秋風哀麻衣道士從何來
脩然倚立兩棖下若有所諭心悠哉
我因植杖邀與坐拂拭熊韋堂之階
無言瞪目視余久徐謂風骨真文楷
前坐落度晚唐士心事最好無纖埃
所嗟蹤跡多後時勃窣不

顧群兒哈雖然得儒數極廣八而後
聯星台呼兒沽酒與之飲勸以數行
浮大杯醺然徑去不少顧况若仙遇
神為開當生所賦諒自知過望榮顯
青黃菑書稱五福壽為至得到八十
真洪崖生平夢異復此遇晚節無乃
其行諧吾看浮世孰不死我已天萬
培其才濁醪麤飯有餘幸過此以往
非手懷君不見通都與大邑真仙往
返時為偕蒼雲路望不及為渠更上
凌風臺

雙峰歌

士達察判携手植檜小山見贈願博一
詩為信氏家傳其志殊可嘉也遂賦此
歌并以其山奉還蓋詩非山無以見狀

物之體山非詩無以表處靜之用抑又在彼猶在此之義也

金絲堂前雙檜碧氣幹凌雲三百尺蒼精久墮劫灰
寒蟠柢輪困堅似石枝條已蔭百王芳膏潤猶含三
代澤土花漬嚙又幾年為像為山豈多得君不見召
公甘棠武侯栢特以兩賢猶愛惜後人歌詠尚如此
况是東家手親植憶嘗遊魯得餘材入手摩挲三嘆
息信生為予好奇觀携來此視吾家蟠泰山梁木萬
世仰何翅如到日觀秦觀雙峯間顧瞻崑崙儘足樂
譬彼物有大小聖學俱能全此雖體微道則具終日
儼侍參吾前古人尚行不兩說正可安靜如山然我
今木朽不可雕後來聳壑爭昂霄君家兒子玉雪比

向學說是神超遙還汝山聽我謠仰止茲木思惟喬
學該本末貴通徹無使磊磊落徒有拔俗之高標

過宋義墓

予往年東走魏過楚上將軍宋義墓欲
作詩為吊而未暇今日與諸生講讀至
義之本末前後諸儒略不見論說因賦
此篇以發前賢之所未發者

秦兵西來勢莫當群雄假義尊懷王我雖三戶秦可
滅彼螽可搏微者或莫傷將軍乘勢思一掃當時籌
策誠難量項家父子本強暴以謀制勝非渠長義雖
去暴失之易一死竟墮貪如狼重瞳子何猖狂只知
帳中奇兵化青血不悟鉅鹿之戰開天亡風雲慘淡

蛇作龍安得即遇隆準翁使我目亂狐裘茸高陽酒
徒號狂客醉中两眼何其瞳攀鱗掉舌絕數語兩女
輟洗來趨風英雄有時利不利挽首何限甘長終楚
王店頭土一丘至今州棘荒煙愁我來吊古還一慨
西風黃鳥聲啾

中秋吟

中統二年予客上都館于太醫使王宜
之家中秋夜伯祿宣慰携酒相過全會
者館主王文洎省郎宋庭秀近人來索
舊賦亂道今亡之矣因追作是詩以寄
二年中秋客灤陽灤江陸海天中央秋風吹空一萬
里誰復斫桂增清光平分秋氣無少被但覺霜露非

尋常玉繩滅沒淡鳩鵲衆宿何有爭光芒煙霄幸附
應時翼佳節共下今霄堂鳳池鳴佩有餘暇白兔搗
藥秋正香故人携酒喜見過慰我久客同一觴謫仙
杯杓思浩々芙蓉城闕天茫茫眼中賓主俱與宋胡
林更對墻東王九遷初不羨時貴一醉逕入無何鄉
人生相逢貴適意浮世聚散真參商當時少陵客愛
國心違々夜深飲散卧不寐醉聽金鑰鏘倉琅夜如
何其夜未艾披衣顛倒尋封章只今潦倒百事廢感
嘆歲月徒悲傷書來索詩叙往事盛集難再須揄揚
興來追作固狂斐念君久要曾不忘鄭重西樓花上
月金波重約醉秋涼

花工王氏歌

城南劉郎携斗酒與客來
秦秋澗叟當隅踞縮不敢
坐玉姓珪名三十九平生
有技真可人好箇春風樓
花手木翁奪秀孕黃婆轉
眼紅明栖碧友劉郎秀春
趣已成往豪家闔招誘王
生本出方技家品味神
經無不有流芳轉入百
花香豈止索駝法堪取
只今家住圃田西小橋流
水渡高柳會邀一醉百
花堂要藉我詩傳不朽
我自東歸今五年小國
栽種期幽妍城中糞壤
雜瓦礫雖有美植何由
蕃結根失所固可惜異
品奚獨冰霜纏君不見
芳蘭種不生惡艸剪不
去此事人間自今古門
園子聽予語本根或撥
非所宜一接千金戒輕
與

河圖篇答伯明學子官

河龍負圖自崑崙包羲畫出乾與坤
聖昌拘幽演餘蘊六十四卦相氤氲
姪情孔思本傳註竹簡別出尊皇墳
經從東漢亂古制綴合爻象為全文
韓康輔嗣轉殺雜操以莊老何紛紜
東萊探賾復古定太極既判二氣終
然分女媧撫掌為驚絕天地再位開
玄根易包萬象無不至若以一爻為
一事其道反局而不伸考亭專以筮
為主豈非天道似遠人事親當時厄
火燎九地不爾亦墮秦坑屯君緘越
本遠見贈老眼一洗空花昏細披五
贊得要妙餘作孰敢光爭新君不見
行逢市兔具此理桶氏有見為伊訴
作詩寄謝君應聞

風字瓦研歌示陳生

半生蓄研空累：其名曰端猶可唾，世間萬有珉作玉，堅則墨褪軟則泥，或濃或淡不成字，終日與伍空嗟咨，東家瓦研面尺五，其狀宛似維南箕，松風小試漲玄霧，臨視黯憲義之池，朝來揮洒儘快意，一筆掃出千蛟螭，東坡黼研不可見，吐此朽壤爭神奇，君不見莫鄒神寶不適用，補履曾不如囊錐，黼研北渡藏商在家，參政杜敬甫生上見之。

雷將軍歌名時舉京兆同州人

雷舉秦人家，將種不學齊，高賈餘勇溫，然醅接縫掖，流照眼容刀，輝玉琤朔風，憶捲關隴破，西走巴渝為勢擁，宋人重漢不內任，閩責豪英制邊聳，將軍守戍分劍閔，劔門天險石龍從，當時一軍號安靖，玠去群信闕呼洵，俞玠字義夫，官至侍郎，在龍旂西狩萬壁，亡宋時最善守蜀者也。

空石角，此心隨北拱，天顏喜動詔賜金，一日康侯三接寵，盤：大獲金湯牢，雲開猛將鬚髯豪，片言因壘引降出，風義不減曹王臯，蜀山破碎凱歌裏，六軍喜溢秋天高，破崗山頭望回旆，小臣隨地空烏號，縶弓歸來血洗箭，又許拜舞趨新朝，命妻賜第恩轉渥，總得主曹浮網艘，憶昨先聲躍鼓鞞，只今騎馬似雞栖，朝來携酒過予飲，細話往昔非余悲，事機翻覆古如此，一椽僦舍甘調飢，我方讀詩至秦仲，車鄰駟鐵生光輝，迺知風聲氣習遠，自文武始歌頌，不到秦家非

革故謠一作復

南城囂：足污穢，既建神都，風土美，燕人重遷朽厥

載睿意作新思有泚一朝
詔徒殊并疆九陌香生通戚里場城密邇不剗去適
足囊姦養狐虺城復池隍莫歎嗟一廢一興固常理
今年戊子冬十月天氣未寒無雨雪禁軍指顧舊築
空郊遂坦夷無壅隔寂寞千門草棘荒他年空有銅
駝說我詩雖尔亦
王風庶配商盤歌
帝哲

通漕引

漢家鼎定天西北萬乘千官必共億近年職貢仰江
淮海道轉輸多覆溺東阿距泉清泉縣二百八淪濟西
來與清合安流取直民力省積水浮網絕兩閩自

昔河防爭橫議祗辦薪芻不勝計宣防瓠子至今悲
以彼方茲功極細役徒三萬暮可畢一動雖勞終古
利裹糧荷鍾去莫遲行者連檣東過薊休說春潭得
寶歌長咲韋郎空侈麗從今粒米斗三錢狼藉
都城樂豐歲

珍珠菓詞

有菓有菓名珍珠厥苞蔥翠二寸餘絕類王瓜未變
赤紺穰滋膩甘酸俱就中結核大於指狀似草蔴色
微紫遠供來自廣南州臣子獻芹心爾耳然觀夏賦
皆邦用口腹所充須錫貢若論橘柚亦常材此物胡
為勞驛送

當熊詞

戊子冬十二月廿五日聽韓陳二生讀
通鑑綱目至中山馮太后事跡壯其貞
節感而作當熊詞馮元帝使倂哀帝祖
母也

漢家九葉時清宴帝拱深宮樂游燕魚龍萬舞闕來
饜闔獸雄觀臨虎圈老熊駭逸突笠出被髮攀栢來
御殿昭儀散走虎士驚盛氣前當無少變大駕臨軒
問物情斂容前對香雲顫妾聞獸猛得人止萬一不
虞身狗難日華翻動喜歸來香飄合殿春風轉君不
見東西兩漢五百載班馬徽音儘堪羨元城投壘媛
當熊能以至柔馳至健大笑陳妃望幸心千金空買
長門怨

東征謠

丁亥戊子二年事

海徼春涵物生廣芽孽中間厲心長盡忘累世撫育恩
大悖先王志忠獎馳驅鱗介千萬群洵西來肆魍
魎海波騰沸聚使殲怒鯨奔鱸歸一網去秋剪馘得
渠魁谷靜川空骨如莽今年復作欲盡殪逸德燦炎
駭天吏孽餘走死黑龍東
詔勿窮追令自斃就中縱殺勢難分系婦畊夫同一
例天兵南伐六十年楚女吳兒供北婢欲知天道反
覆心看取東人復為隸

下瀨舡

交趾漢羸陵縣地戊子三月失利

家中之木同灰槁炎海波翻震天討彼交事大天理
常歲卑辭掉虛表舟師陸騎問罪來力審難支施

機巧彈丸所據五郡地瘴氣為兵依地利我來彼遁
還則媿一弩千人不容避老天限作羈縻邦不以衣
裳介鱗易昔賢所戒是貪兵若論彼資才貝翠南越
佗時安陽王治交趾有神人曰暹通造神弩一毀其一
攬馳報佗萬興師擊漢家聲教初無外下瀨戈舩微
主帥一軍膽落陷泥湖二萬選鋒同日敗裹糧載甲
力有餘正坐無人作吾氣軍聲稍振需所援春水旋
艦可弘濟古人堂上有奇兵安得營平與動輒

征士謠 已丑正月晦

東風連日沙塵昏兵威揜盡春氣溫漢家武備遍九
有南來探騎探一何紛今年十抽一樵去千里起
赴和林屯御河西岸殷牧野萬甲照水光粼粼觀容

有使親閱實不許代名須正身神牙獵見北靡精
銳全是嫖姚軍嫖姚出塞路幾千遠戰不過封狼山
征人莫憚行役苦廟謀素具車攻篇君不聞王師有
征古無敵何況彊弩之末魯縞其能穿念渠爰惜腰
間箭會聽長歌入漢關

天星行 正月十七日

天星蓬若為崇慧掃長空徂冥位六龍推墮日車
翻萬火分崩碎於地老天變色赤祲如西北繼聞天
狗吠行人匍伏群雉驚凜甚於崩角畏君不見天
星懸象萬物精一物下亡一星墜春秋二百四十年
孛斗經天無此異不然大火示厥罰下燦人間為沴
氣月寅歲丑丁酉晨東方向明時又寅老翁百歲見

未省何况地上蟻蟲臣天雖高變雖大災反為祥果
何賴正有德脩知做戒

朔雨木冰

戊子歲十一月雨
木冰俗云樹稼

畫冥：雲族聚和氣滿林天作雨陰盛為零偃薄之
和變而凝冰著樹巧裁細剪千萬狀凜：淒風轉玄
霧木翁縮頸凍欲僵辨着乾坤開太素其祥如此見
三朝古說大官為最懼曦輪過午始消釋膏沐千林
如雨泣少陽為臣冰即兵麟史書徵臣下執當時霸
者互長雄此事胡為兆今日

建春樓歌

建春樓頭春日長建春樓前新濟光齊家分食解多
品有味辨與東人嗜鑪鑪能出禁嚮美樽俎中有蘇

門香層軒高揭富觀覽春潭照映千帆檣吳商楚女
莫空過渠是京樣河馬西京張世間忘憂惟食飲越
羅蜀錦空千箱登臨人具醉飽去共城齊氏真非常
共城齊氏真非常

潛蛟行謝温將軍惠石

温郎少年姿潤秀好古探竒出予右扣門相訪得怪供
鬼刻神剗未嘗有我欣植杖三摩挲秋水潛蛟見蟠紐
何年囚鎖出禹穴不磔鬚牙驚水母毅然見贈初不惜澹
癖憐予象江守深藏夜壑空有戒當畫兒童負之走千金
求買何所得一旦携歸定非偶清泉湔袂庸玉汝屹立花
間冠吾圍蒼鱗照水勢若動口鼻哈呀欲鱣吼常疑尤
物即神物隱伏地中諒難久宣和族聚失所在却恐雷

寔下來取一春病酒日欲眠忽得此峰如至友娉婷翠
射喜欲舞復訝舞仙來勸酒君不見九成論樂一變足
萬石不須誇柳：人生意氣貴相傾走筆酬酒當瓊玖

重門行

蕭條共西野有城號重門重門幽：深幾許齊芳歸
藩何足云公卿老淚空沾中天道好還非少恩青山
斜照自今古禪陵西望猶比隣曹瞞搯忍不殺終
我四百為虞賓廼云得之羣盜手吾將誰欺：彼昊
君不見鄧城南頭漢濁漉至今州樹淒無春

唐申王畫馬歌

花萼樓前闕庭實布乘黃朱笑群辟奔虹凝露故家
物詔寫真形出東薛申王天矯龍一種揮洒元精固

無匹龍池十日霹靂聲房駟無光韋偃泣千年事往
失所在此紙流傳見真跡明窓不厭百回看飛電流
雲悵猶濕當時圖畫樂昇平轉首雲屯散榛棘儲皇
總藉河隴餘旋復廓清唐再闢物盛而衰固有時校
以倉皇易為力漢家托地封狼北萬騎騰凌已無敵
更求駿膏張吾軍一綽風飛能事畢雖云中夏號雄
強富不民藏孰共億聖謨經世了不刊收卷入囊三
歎息

秋澗著書圖歌贈畫工張仁卿

張生寫出秋澗圖先生胡為此遊居知余讀書樂幽
寂况復野麋之性宜與水石俱西風蕭條秋氣餘浮
雲身世將何如江籬託詠太哀怨老松卧壑甘扶踈

逢時不作棟樑用，且須著論希潛夫。盤澗曲深幾
許長，吞遠汎知攸徂。百川橫障使東徂，細大不擇羞
潢洿。考槃有歌誰與伍，山鳥山花吾友予。張畫師王
宰徒，雲煙落帟何舒徐。吾今屏居日已久，為我作此
真良謨。平生未常學，為於此初。古人尚友無老壯，
要欲靜泊志可明而遠。可逾駁，晚景幾桑榆。不知
此去澹泊得似盡中無，目明神王骨相矍。一丘一壑
着幼輿，畢此一事為成書。此外何有於余乎，此外何
有於余乎。時集錄古今相業為調元事鑑

秋澗先生大全文集卷第十

秋澗先生大全文集卷第十一

七言古詩

題耆英圖奉呈子初中丞

張生好奇兼尚友，古畫古書長在手。欣然示我洛英
圖，便覺奎光生戶牖。衣冠磊落十三人，閑著一枰談
治否。堂文富兩具瞻，天下倚安真大叟。平頭七十
是尋常，獨有端明未期壽。方辭晚進不敢班，列宿光
中已瞻斗。北門易慮望佳招，王拱辰千里馳書恨官
守。升平盛事那得再，夢寐席間把卮酒。吾儕起敬當
如何，再拜乞靈三叩首。君不見西周文物稱全盛，除
却邑姜總得九神崧。間氣萃此多周鳳，魯麟紛在藪。
鄭郎繪事固入神，自是德星傳不朽。我思仁祖慶曆

中慶曆政有三代風斯民皞皞樂其樂六合一氣開
時雍扶持位育總是諸賢功熙寧天子錯料事以忠
為邪作忠故教公等在散地擢置安石司群工惠
卿繼用二惇起當時何止驚三空嗚呼以人為鑑古
所取安得獻此與論治道之污隆願君深藏勿輕出
世代雖遠多青蟲

紫芝歌

總胡紫山集瑞堂詩韻己丑秋八月有
紫芝產陶戶朱良舍下此五六本此最
異者

陶坑削崖蝸作室和氣所鍾無不集非緣石潤木之
精平地抽英昭茂德蓬牕一夕爛生光紫蓋形枝照

鄉國氤氳五彩畫不如駢秀連莖莖於漆考祥吻合
農帝經表瑞無慚柳州筆老翁百歲見未曾醉將蒼
髯漫如戟郡人爭欲飲至和奔走來觀恐無及出門
秋望稼連雲汝芝汝芝安所吉

圯上行

邳州道中作十一月初
四午刺書於宿遷馬驛

楚兵東來殺為嬉烈火西捲如颿馳為藜驅爵恐過
慘天賜漢以興王師憶初槌秦天下震盛氣不折將
徒為泥中追履屈亦至不爾安制重瞳兕往年親祀
濟北石此日還賦圯橋詩神龍變化不復見仿像鬼
物來陰機素書三卷不必怪要本老氏持其雌持守其
雌也

題長江萬里圖後

穉年屋居三十春，老境誰遣東南奔。去秋有
詔使持節，北自邛衛宮，甌閩：中水淺，百味淡，但覺
草木多精神，展放江山萬里圖。卷中瀟灑似堪娛，寄
聲故國游觀客。卜築蘇門儘可居。西乃劉合秀家，歲所
恨歸，缺不出一手耳。

問吳臺辭

吳王宮殿尋無跡，只見山蒼湖水碧。步上高臺散客
愁，十月江南看春色。晚風吹雨濕闌干，簷花泣露宮
娃泣。欲撥愁煙問故臺，愁煙無語空蕭瑟。是邪非邪
不必辨，且為興亡求亂隙。夜半娃宮作戰場，總罪君
王以色荒。春秋責備大法在，不道延陵退耕吳。已亡
聖賢處，變貴達節審勢，不得同曹臧。當年泰伯終三
讓，明見丕承有聖昌。

南臺懷古

封君如遙裔，重光麗無諸。憶提越甲佐天討，翦羸摧
項開雄圖。保邦事大需，厖澤至今國俗猶薰濡。石樽
劔沼兩寂寞，山川良是先王都。越人感德知所尊，蕭
鼓猶陳漢薦殷。潮去潮來朝又暮，春花謝花開，秋復春
千年事往遺烈在，艸木凜：來威神廟中，筠簽萬有
卜陳說禍福稱靈珍。我因拜禱問來事，繇辭洒：何
其真，殊方遠官乃氣數，品秩雖到多遭迭。正須耐辱
安所遇，不久拔出東南閩。生平行已半流坎，雖老而
壽猶朝紳。鞠躬默謝神貺厚，得遂歸隱餘何云。我來
正值群祀日，伎樂朝獻爭趨奔。越巫紛拜靈，欲駕冷
風滿旆翻。凝雲回首笥臺祠，下路蕭：寒雨濕蒼麟。

今國基即漢高
帝封舞臺也

游九仙閣

三郡百戰開閩國，鱗槍基圖專詐力。
二嬖恩光象服尊，九龍帳設香雲濕。
朝參寶皇宮，暮禮妖師席。國事一從神所質，九仙結構豈此時。
萬瓦鱗二跨空碧閣，中景氣四時新。
往事如雲散，無跡我來登陟縱。
遐觀一榻清風抵，萬錢暫與塵襟豁。
煩滯橫欄直下看，三山

雜言寄中隱信宣慰時在泉州近辱書過

蒙遠問空惚間不時奉荅獲罪多矣人行

謹以雜言為報奉別後一策

蹇予元年東魯客初識君侯髮如漆平生高氣樂新

知一笑論交真莫逆涼風八月中秋節月滿金樽惜

輕別邂逅溪堂又五年情好比前尤款洽高堂輒飲

幾連明四座歡呼倒冠幘當時樽前鬪年少豪邁不

知家立壁興來為我掃雲煙思入天機妙無迹我識

君侯此餘事落筆縱橫見竒策自是睽違三十秋只

今同客嶺南州天涯牢落儘愁絕况復兩翁俱白頭

書來慰我見安好細字滿紙紛銀鈎故園風物信如

舊柳子初豈為山囚春雲夢濕蘭苕翠壯觀雄翻海

岳樓近從潭府閱家數筆力已復追營丘煩君吮墨

留餘溢重為靈均作遠游中隱乃雲甫道號近于魏

云近從潭府閱家數

李夫人畫蘭歌為郎中孫榮甫賦

清閼堂深不知暑，瑤草佳期夢玄圃。孫郎笑折紫蘭
來，素影盈。映脩渚。李夫人澹丰容，天然與蘭相始
終。剡藤一筆作九畹，落墨不減江南工。芳姿兀與凡
卉異，暉。况是湘纍，離騷不復作，遺恨千古沉幽
宮。君看此花有深意，似寫靈均幽思悲。回風君家大
雅堂，文采東野翁。併入慘澹經營中，秋風拂簾，秋日
長芳霏。兮。記崇光淡妝相對有餘韻，畫欄桂子空
秋香。淡軒託物明孤潔，五十年來抱霜節。固知色相
皆空寂，妙得於心聊自適。仿佛湘娥倚暮花，黃陵廟
前江水碧。生平佩服真賞音，升聞紫庭非素心。喚起
謫仙，搖醉筆，為翻新曲寫瑤琴。曲一作標
右夫人名至規，號澹軒，亡宋狀元黃朴之女。長適

尚書李珣子早寡，今年七十有二，善畫蘭，撫琴，近
為郎中孫榮父作九畹圖，若與蘭為知聞也。且自
叙其後云：予家雙井，公以蘭比君子，父東野翁甚
愛之，予亦愛之。每女紅之暇，嘗寫其真，聊以備閨
房之玩，初非以此而求聞於人也。郎中以蘭省之，
彥一日來徵予筆，遂誦點污亦何忍，但覺難為辭
之詩以應之。孫求歌詩於予，因樂為賦。此者正取
其節而不以其藝故也。秋七月初吉，秋澗老人題。

雜言 庚寅七月二日病告中作

我今行年六十五，得至縱心能幾許。憂愁風雨每大
半，念至於斯足悲楚。縱令得邁七十壽，比老於心當
悅豫。不然終日疲事役，歿而後已真愚魯。君不見人

間聲利藏禍機，迷着世人曾不知。得之志揚失之沮，一死與博爭奔馳。又不見朝花總榮暮，雨惡大竈方熾寒。灰隨攀援高貴鄙，卑賤得勢未必皆便宜。至人大觀出世表，肯為造物相調戲。豁達一篇莊叟論，太山毫末較來齊。

福唐中秋對月酬劉瑞友見贈之什

少年愛月長苦吟，賞玩不知清夜深。擬揮玉斧手盡掃，丹桂陰高，歌起舞弄清影，直入月脇穿天心。節序依然人老矣，所事感懷無可喜。少陵有淚濕金波，歎息無家清夜美。當時流落正鄜州，况在甌閩數千里。此夕常娥海上來，謂三山距海九千里冰輪蹴踏驚四開。牀頭有酒不復飲，追憶少壯令人哀。老人病骨防風露，靜

卧空齋，深閉戶，却從虛幌看清光。四壁秋蟲饒夜語。

題釣臺并序

至元二十六年己丑歲冬仲九日，予自桐廬舍鞍鼓枻，取道嚴瀨，既午，舣舟祠下，登拜遺像，肅如也。歷觀古今題記，多論其形迹，未有明先生之心者。天下有二道，出與處而已。先生之起，義明君臣，順乎天也。浩然長歸，氣信名節，遂其志也。夫三公坐而論思，明是理而表萬方者，也是則佐理之功多矣。尚何為因留詩招隱柱間，入客星閣，眺羊裘軒，降觀釣臺書院，山光叢簇，江流有聲，若有以回

俗駕而謝逋客也江行有程促之而去
回望雙臺顏厚有忸少中大夫福建閩
海道提刑按察使汲郡王某歛衽書

劉郎少年同此席綉裾朱衣稱謹勅六龍一日飛上
天豈為故人談往昔原陵欲臣意有在大隱何心學
夷隘當時雖落物色中肯以三公易其介先生豈是
煙波徒奕星芒動帝車一言稍峻得狂鄙况復好
爵縻其軀君臣大義已明了助順又見懷仁書君房
初不識微意尚欲求益何其迂一竿雖老桐江月儘
看清風厲薄夫

洛中吟有序

近讀邵氏所書洛中雜事撫卷三歎令

人有不能已者嗚呼五代間亂離相繼
其否極矣生逢茲辰一何幸哉故孫樵
有生恨不得為太平人良有以也因効
康節謝溫公買園詩格綴集所見賦洛
中吟一篇其辭曰

萬方文物洽堯雍若論聲明極洛中地自水南連洛
北治從真廟到神宗摠將六合清明氣散作三川禮
讓風道統有傳程邵在勲名無比富文崇棚車載酒
都人賞名教傳家習俗同花木四時春不老耕桑彌
野歲長豐三千步幃家雖侈十二行窩樂最融春酒
泛香沽翠幙夜花和露買筠籠小車高閣期真侶魏
紫姚黃擅化工愛育摠歸君父聖論思不出廟堂公

荆舒變法無暮月社稷垂亡到一空讀罷適然清興
遠一簾花影曉光紅一作讀罷空然還復

竹鹿辭并引

竹鹿出南海不合刺國赤毳雪文狀若

龜背然頂有覆茸葳蕤如珊瑚巨枝至

元廿七年秋八月上進過福唐子得

之昔梁孝王遊兔園宴忘憂館命

賦苑中諸物文鹿其一也今以

賦攷之正此鹿也因作竹鹿辭

竹鹿亦瑞獸頂有珊瑚茸素綦為紋負相

極騰仙縱颶風吹墮海洋國駟騎遠獻

玉樹青葱瓏攸伏日與群牲從一則

道通君不見漢武獲異獸非闕西南封迨：茲鹿來
漢道相比隆東南際海國萬數將見珠香犀象等物
相率皆來同

游金山寺

寺名龍游舊名浮玉唐寅歲
十一月二日來游二十八韻

我登金山江似練金山突兀神鰲杵樓閣參差四五

層覆壓崖巔瞰江面壁間不見老坡詩空歷長廊瞻

湧殿江山形勢互為勝直上金鰲窮偉觀徘徊久眺

吞海亭海門兩點煙螺澱舟中望處不爭多大抵蒼

茫煙一片平生歌詠古人詩此日一樽償宿願攏牌

纔過璞墓西水作磴痕風四轉放舡北渡邁東行一

葉中流去如箭瓜洲西北墮香靄照眼崔崖迫焦嶽

獨遊髣髴蘇二興冒嶮比方章子慎夕陽西下烟四

默說三卷餘無傳焉其孤卜以九月辛酉葬于開化縣北山之
原屬瑞狀行公實將求名於巨儒碩學以垂不朽謹考核叙
如右

紹興十四年九月日龍圖閣學士左中奉大夫提舉江州太平
觀都陽縣開國子食邑五百戶賜紫金魚袋程瑞狀



北山小集

晚學潛山施介夫輯

間禾穗黑忍飢猶待下年收一澇高原水三尺人生
重遷乃本心一餒催人忘南北水採無菱芡山收闕
橡粟雖云生處樂乏食得生活扶携遠趨河南豐道
路無資日行乞毳衣穿結杖蒿藜氣力凌兢雙脛赤
我聞堯水與湯旱民免流移少捐瘡不出九年耕長
有三歲食

朝家勸課儘憂勞只為有名多少實常平嚮為前省
壞義廩近年無廣積江南最苦過都錢更着營司日
搔肩營司已罷民力蘇大府兼農到徒設抹荒發廩
最上策近井乃能療近渴
君門萬里安得知作詩代洒流民血

南樓行送信御史佐鄂岳行院

武昌南樓跨空碧滿目江山猶往昔笑拋霜簡佐行
樞去作南樓幕中客羗予游宦江之南江南軍務多
疏闊摘差押取固多弊甚是養威并練習十羊九牧
苟非人未免因緣出枝節卒然警急幸無事若論罪
功孰褒黜就中貧難宥可憫孀婦盲翁死應絕依然
名姓在軍書按籍來徵豈容說唐兵六十即放免七
十一丁今侍側當時貞觀開元間三代仁風畧無別
幸今守戰有專職整暇虞姦正今日兵惟禁暴本衛
民不致侵漁乃良策蠻陬溪洞既荒遠顛柝其間不
無孽畬軍新附用得宜以彼為攻易摧折前年盜起
江西東千萬為群恣衝突只緣浪戰乏總戎空使民
殘兵耗力請君詳此能一行四院規模自吾出此時

乘月庾南樓談笑胡床能事畢

五色鸚鵡歌

滄溟浴日麗大荒飛走衣被昭回光
隴禽鍾秀更奇絕翟翬絢煥紛天章
越裳野雉太縞素上與朱鳥參

翱翔環王得之不敢受為是珍物歸
天皇山川迢遞來林邑護送慇懃飼
紅粒海樹雖殘舊宿枝

君門萬里承恩入香鎖金籠暖御烟
盡日充君眼中物一鈎紅嘴儘多知

兩葉翠衿真聚鵲六宮共說鸚哥嬌
天仗儔呼供內職且莫低回訴苦寒

卿雲長捧蓬萊日

福星行 辛卯歲自正月迄五月不雨是月廿一日河南雨三尺故作是詩以

憫焉六月五日雨大作

河南雨足餘三尺河北嗷千里赤河南穀麥賤於

土河北齊民有飢色爽氣空吹五日涼火雲不曛三

農泣天有貴神名太一前歲人傳豫州城連年大稔

風雨時全是福星照臨力幸今六合入提封

聖上同仁視如一又聞天下猶一身氣脉周流體能

遠福星福星宜憫斯少分餘溢霑河北

白鹿鬼歌 贈雷苦齋

太行西來萬馬奔嶺嶂橫截摩青雲山陽西北望鹿

鬼突兀絕似東山墩孤撐直上幾千丈雲烟覆露乘

天根憶初夸娥擔負分太華萬古雄跨諸峰尊有懷

孫公和自是物表人半嶺騰鳳吹萬壑飄游氛纏身

雖有一丈髮以火保耀先吾薪嘗嗟中散寡於識三
 載堅扣如無聞當年清嘯杳何許此日乃有由東隣
 苦齋老清而傲才豐識遠兼多文人見長松偃蹇卧
 雲壑豈知浩之氣藏彌綸有首不須丞相帽有足
 不踏公卿門詩來三復有餘馥如茹秋菊紉蘭蓀平
 生尚友抱苦節逸興特愛淵明真不居城府儘高尚
 况欲卷迹同其倫白鹿菟高輪困望之可仰不可親
 徜徉終歲竹林下回視七子徒紛回視七子徒紛
 紛東坡云孔子不取微生高孟子不以取於陵仲子惡
 則隱不情也陶淵明欲仕則仕高士不以取於陵仲子惡
 飽則雞黍以迎客古今賢之貴其真也食之為媿欲隱
 酒之為齊釀法先翹生玉粒聽其然百方百醞品各

異要以色味清為賢并君出職光祿寺容止蘊藉涵
 清妍朝來相過憐哀翁開樽小酌何從容銀罌細瀉
 疑匪酒玉色照眼清如空停杯題品賞超絕瓊枝湛
 露吹天風一酌氣馥烈再酌心冲融憶初蜀使分餘
 瀝老類不到湖春紅為君三燕儘鯨吸便覺輔安五
 臟夷三蟲吾聞此術煮耐法連罌氣化開鴻蒙多君
 屢製轉精粹儀狄拊掌驚神工橘中游戲商山樂玉
 薤策勲俱妄作浩歌為約飲中仙世間元有揚州鶴

有狐篇

黃蒿古城人絕迹有狐綏之出復沒近郊夷曠兀
 靜獵食無求蟄無窟依憑城社歲月深群犬噤聲畏
 不逐或曾為孽化而人漢有曹瞞楚奚卹蒼形雪面

妥彗尾氣出陰邪餘詭譎振毛出火嗥黑夜竊食人
家翻盡鏡鬼行胃臆神不容彼為一飢還尔耳况今
白晝雜人居厥兆有占羣小侈郡侯執德儘勝妖要
絕其根心乃己老姦急捕驚脫免遺育燠夷滌腥穢
彼狐微物徒妖訛朝來一掩虞人羅叔教殺蛇韓逐
鯨公等去狐誠可歌張網埋輪非不問事有難易先
重科人面敷心當若何

單魚歌 頌 五月六日 作於 泗溪 東軒 二李

稻秋針如溪可揭春水桃花魚失勢野人乘捕趁農
閑風暖溪深張水戲輕舸前漾撒巨網後擁罩竿遞
兩際大魚赤鱗如有神一夕雷風先遠逝終朝罩
盡常材柳貫壺携不餘棄行觀窟宅幾一空河伯波

神為慘悴君不見天生萬物盈兩間物資人供所
嗜用惟有節取有時食不能勝非小惠山不幽來水
無阻智出義皇結繩畧上烏神理下物情以類以通
無過舉於戲三代根此心後世胡為弃如土東軒歸
夢二李生我輩何辜遽如許

風狸行 後六月十五日至衛乃作是詩

風狸出桂海厥狀即猿狖晝伏如蜩縮夜躍衝樊籠
咄彼乳與溺愈疾收奇功或云識風候飛行半空中
置之危檣顛順勢蹲西東越人豈此異遠迨
燕山宮不思汝悖疾持此以自攻愔然効順如狸聰
交州况復七縣地枉着螳臂當車衝南風不競汝親
見戈舡下海驅群龍

聖皇神武包九有任土之物皆吾寶養之如春涵如
海聲教所暨開唐封汝不聞蕭梁天監間林邑之范
觀天風審知中天御

明主一旦職貢應來同茲為因念復爾耳嗚呼彼狂
何所庸寰宇記梁天監中林邑王范纘觀

賀君玉林兄得重孫

即奉表內附

共山老仙號虛白未老而閑見高節琅玕玉骨神含
滋散入雲仍衍道澤林兄今年幾八旬飲啖行步餘
精神阿元游宦已通貴慰眼又見元之孫犀錢玉果
蘭湯溫洗教啼泣吾試聞充閭之氣當煨燠繞床阿
堵莫輕動留待它年讀書用

二俊歌并序

總管溫卿蓄一鶻一犬每出獵不即則
已即則必獲其或一失願以羔見償予
以二者雖自籠養指喉中未非俊無留
賞其何能爾作二俊歌以美之其辭曰

溫郎年少溫如玉老作獵師知所蓄不勞赤羽膳千
夫眼底韓盧手中鶻太行東麓雲雪崗飛輕鳴鞘幾
馳逐暮歸不省錦鞍空獵：霜風靜三窟我觀二俊
固竒毛擊取無虛指縱力數朝解鞍何所從鎖總弄
筆圍春風螺香不到眉嫵秀鶴翎細抹丹砂紅會當
將鬚賞不凡為君一醉琉璃鍾

題任南麓畫華清宮圖後并序

圖有閑：公題詩作孽窠真書蓋與西

世為三絕，此卷初主於僧遜公，繼為媽川松公所寶，興定初松間閉兵亂中，保特與歸燕都，今為子英家藏。至元廿四年，楊示予披玩者，累日嘗欲賦一詩以發偉觀，竟以事未暇。今林谿歿，畫復在燕，不知且歸何人。遠閱滄水集，見公題詩偶書，此以償宿昔。初弗計其不揆也。廿八年冬十一月廿四日秋，礪老人序。

三郎年耄誇精健，歲華清事游宴。玉蓮湯殿浴行雲，傾城幾顧環兒倩。一掬游塵散馬鬼，餘波不沈香囊怨。龍巖畫筆寫興亡，墨花暈出真妃傳。謫仙辭翰兩超，媿以任公世三絕。我昔西游不到秦，披圖空夢驪山月。林谿家藏什襲珍，楊生已歿歸何人。護持當有松公神。

和東坡聚星堂雪詩韵

天風一夜吹端葉，清曉開門驚尺雪。林：萬木凍已僵，漠：長空來不絕。南晦能滋壠麥肥，東床任使琴絲折。玄冥用壯見肅殺，疫氣迎春盡消滅。少年雪獵狐兔羣，夢寐鞫鷹思一掣。凍封窟宅龍挺蟄，色晃書帷繒失纈。中庭食飽妨散步，行視春泥思木屑。一冬三白積餘威，不比尋常應時瞥。炎涼一氣不自如，苦樂人生有難說。羊羔金帳暖如春，布被藜床冷於鐵。

鷄蹠劍歌

前年官閩中，偶遇牛斗客。醉解騰下劍，壯我遠行色。

劍名鷄跡來岷城鐵花綉出雄雉多似連還斷復
續蒼精含景爭橫羅南遊萬里非浪走彈缺豈為魚
魚歌飛空欲作黃鶴舉劈浪下斬岳江鼉誰期兩事
俱大謬歸來掛壁如陶梭吾哀物壯終汝悞不見漢
相劍佩紛相磨春雷奮蟄當如何春雷奮蟄當如何
飛廉館瓦研歌贈王冲霄六月六日病中作
洛邑西遷漢靈泣一炬南宮三月赤飛廉鍛翻化青
鳧老瓦淪胥何所得太陰凝魄秘興亡土花千年不
敢蝕劉郎香秋風客神鳥冥飛憶初格豹章爵首
尾蟠蛇建章千門風冽磨礪頭角入孤園收歛松
聲聽蕭瑟墨花供筆發幽光長日玉堂生五色張華
博物見初心笑泚玄泓為渠說昭陵栢城初覩汝千

五年來莫渠別護軍紀漢明有書應劭箋形更精潔
道初在邇求轉遐平世看書眼空纈冲霄持贈有深
意淡僻憐予如任俠一朝入手與神會過戶不知吾
屐折嗚呼三代不復見兩漢規模儘堪說寶藏宜與
瓦礫殊隄備有人來揭篋昭陵栢城宋仁宗陵

清霜怨贈吳省參君璋

日落偶過吳郎家入門兩欄姚魏花金盤洗妝都幾
日已覺鬢亂釵橫斜韓卿秉燭惜佳麗便恐翠袖倚
竹空春華鶴翎紅糝玉蝶粉墮髻睡美吳宮娃我欲
問花不解語何故忽爾令人嗟東皇醉着初不問青
女潛妬飛銀沙花神斂袂避陰慘駐顏何有仙人砂
京師名圃花不少今歲閑殺遊春車客懷豈獨被花

惱俗事擾：驚無涯。西風巷陌塵障面，酒樓寂：空
簫笳。我因未事得閑在，盡日飲客煎溪芽。天教世務
不掛口，遮眼幸有詩書葩。時：弄筆散幽滯，錢囊忘
計東坡人。為花作譜見哀感，自笑思澁。願空呀，因聲
寄謝紫山老落：高舉凌青霞。

賀雨詩并序

通惠河自壬辰秋開治，至今年夏六月
中穿土未已時，方旱暑氣極熾，兵民頗
困於役。是月二十日，有司請少間以紓
民力，首相主減役，止留軍夫五千。廷議
已下，而雨作盈尺，賦賀雨詩以紀其事。
一畝泉深龍匯碧，遠引入城通太液。不緣蝦口灑郊

塵，又匪弘農獻琛璧。稻米流脂粟米白，歲與飢民豐
粒食。靈臺靈沼須民力，併敷一勞思永逸。今年旱氣
罩火傘，赫：焚如驚緒赤。萬人雲鍾揮汗雨，薰染踰
時不無疫。有司陳請避炎輝，役敢辭辛時少息已聞
廷議出中堂。未午朋陰翳東北，都城一尺幾尺餘。何
俟巫吁而霄盜浮蜥，天人相感本無間。金鉉調元不
多術，誠心公道即天心。元氣洪濛開太極，餘糧栖畝
婁滿載。御廩天困若京積，夕陽澹灩斗門深。一片波
光連畫鷁。

題中山劉壽翁九十五詩卷

按部過中山，憶嘗謁王文。眼明欣見百年人，談麈詞
鋒轉清亮。故都喬木幾秋風，精力有餘無少恙。盤：

定武古戰國者舊例多神所相于今又得劉家翁人
說殆與王文同康寧好德九十五篤實外著心和冲
世事不挂口外物不役躬軒冕真倘來眎若雲浮空
子孝以志養家温樂時雍固云賦與厚亦自存養功
常笑鷄窠租雖見九世宗不食又不語壽齊彭錢安
足願何如此老人雙瞳炯如兩耳聰子孫滿前樂融
融歲時燕喜北潭綠常日睡起東牕紅稱觴宜有鮎
詠背祝噎不用鳩為筇行聽鄉閭尊二老丹青蘭若
見儀容

送李蕭二君奉使安南

李仲賓假部侍郎
蕭假部郎中蕭隆

安南九城海中

興人以神童
出身字平則

汕墨誌彈丸良叢爾扼吭控背相篡

弒正倚大邦為表裏畏天事大自前王念彼人臣以
忠止

先帝包荒不遐遺南北肯分同赤子歲時宣諭極忱
誠都護諸蕃殆三紀豈惟壘書意曲盡錦幣殊

恩兼藥餌至仁臨御海波平銅鼓聲沉邊四牧父恭

于前子遵後日子於焉正其理前年奉表餘翠貝再
歲象奴紛異議執迷托故請來庭彼孰能欺徒自翫

先皇赫怒安遠人邊將請征思一洗秋風少約
茂陵寒已復夷遷空越鄙

嗣皇龍飛擴神武盡雪前愆

昭曠度兩階首舞有虞干正以自新開彼路

皇元一氣包六合榻外他人非所慮豈有父子一家

還異趣使華重照鬱林光積懼懷恩深悔悟二奉使
心何闕逢時吐氣思經綸縱橫正有三寸舌不在屏
翠充庭珍

嗣皇仁聖自天眷人非人力之所能德澤如海涵如
春彼交雖眇宜知聞眼穿一省盼已久去莫緩都
亭輪

繼翰屬詩韻昨觀諸君光和所謂眼中有
鐵皆勅教也復為滲漉以見鄙懷

蹇予一生空濩落心似虛舟藏夜壑誰教浪走半九
州潦倒不容停兩脚前年尺一遽守起峻以文階深
自愕投閒置散乃分宜未免老為文字縛青綾被暖
玉堂清鷓雀何為集阿閣太平典冊不緣麟顧我削

書寧不怍滿林堆積簡編青其奈曲江雖忠林甫惡

礬硯詞并引

予家藏風字歛硯石色斲手二者俱精
所患褪墨略不得色聞師道吾友有奇
石善勵鈍發銳能一礬治亦太玄之一
助也遂作詩以懇之其詞曰

硯之同功甲與鋌試之敵場惟利堅其或不爾安用
焉咄嗟比歛肌理妍和光挫銳今幾年本圖殺墨不
荏入殆似兩鏡光相研聞君有石善礬鈍武昌赤砥
銛龍泉碧絲吐鋌瀝玄濡首亦快張家顛我今白
髯玉堂客結習未了文房緣自憐癡絕渠復爾堆積
潛汗簡何由前倣抑正賴公和賢

泰山圖

時元貞元年秋九月十四日作是歲賤唐六十有九

泰之為山何峻雄西連太白東華峰特隆天府樹巨
屏固蓄精祐開郅封黍離變雅西周東雲烟幻出崑
函宮不信詩書額法制百二山河絕兩世後來漢唐
亦盛代文物雖多終霸氣千年事往遺跡在留與來
令鑒成敗君不見烽燧臺羯鼓樓祖龍墓在山東頭
丹青比興雅頌作盡史固是非凡流半生薄宦走跋
跋每恨西遊不到秦我今年老百事懶惟有懷古一
念心猶存嘗聞雪滿泰山圖天机貌盡中南真又聞
髯張醉裏頭挿筆灑遍人間雪色碧西溪君范華原
嗚呼二者不復作令人氣短心茫然一朝全秦大物
忽當眼着我如在龍首山之顛卷舒巨軸閱幾年兩

都喬木今蒼烟其歸有數開有先昔藏壽國金聰山
二公異世俱稱賢畫弓画弓得其傳

送曹仲堅赴建寧路教

武夷書院今畫圖建安林館鄒魯如攷亭文公家世
儒主盟太學持文樞六經要是平治具上際圓蓋蟠
方輿正誠兩字有抵力違仁義真亨衢人倫大統
既攸叙不爾天理私慾同一區先生去世初未遠得
私淑者君其徒昨聞赤牒下建府圓冠喜動歐閩隅
君今見秩八品貴官府言責一事無育材不闕學田
粟挿架剩有官樓書講經會課有餘裕脩己繕性深
涵濡今之所教以此而彼所授此歟仲堅世系
乃華胄出入鶴蓋垂文魚箕裘幸不失素業儒林振

藻今璠璣友于疇似君家樂鶚薦重看入石渠

鴈門公子行

鴈門山高幾百仞風土雄尊號全晉李侯年少出
紉袴裘馬輕肥冠時俊古來豪俠數幽并柳子不徒誇
晉問蹇予三歲東州客塵滿青衫鬢雙白書生無策
伴侯鯖尺蠖泥蟠甘退縮此時同君在幕中時君居
下佐理邦經袖手旁觀駭超越條籠脫落不受羈意
殊有力鳥經表出奇人巨測健於義鶚快一擊霜翻擊雲鷲空百
愛君肝膽向人開遇事剖析無留材世人刺梗塞靈
府米事挂眼生嫌猜丈夫所貴氣為主行義不虧誠可
取區區心計簿書間束縛疇非抱官虜春光澹池東
湖亭素箏濁酒攄離情豹藏深霧出奇質未害蹉跎

魯客卿我懷井谷君陰積蓋代聞涂鄉五千戶一語

為生存子孫衍慶宜英偉鬱其能久於此後也速

四川辟公負外郎大辰其用後任順慶宣課大使甲

成歲十任成都路防城軍民總管乙亥冬卒于成都得

有年八白帝城高玉壘深定秦戈甲紛西鄙民政兵

機兩肅然當時艷東西川公不少留我涕連洗心

棲寂中和篇空餘遺愛歌舉賢一別人間三十秋又

從圖畫挹風流至今劍北羅江道往旌髦見出游

謂公既沒蜀人至今思之精魄爽如在家

江煙霏江雨濕滿壑秋風蕩虛壁何工雖老筆有
神寫出雙松蔭泉石君看磊落橫澗枝黑入太陰凝
積鐵當時不作澗窟虬定向風巖聞虎裂煩君什襲

為深藏隄備六丁來電掣

江南道

江南道翠竹晴沙靜如掃風煙終日盡圖間不覺行人暗中老笑行人自枯槁名利誰能死前了我行貪路簇五更馬上吟看亂山曉聽聞猿聞越鳥總道先生歸去好只緣不病日相仍非為知機辯之早清時正有一閑高天涯何處無芳草

贈五星鄒宜齋

建安山水何瓌竒宜齋氣稟宜清夷天星飛跳括萬命落筆一剖無藏機蹇子歸舟次甌寧子孺病卧吐可驚為予刺口論灾咎火頭字尾相纏嬰推原根植甚安固五日而後知和平疾勿藥言果徵願弓一詩

為發明我今憂國渠試聽近年越寇何縱橫竭來赤囊日三捷分崩鼠穴逃餘生此時脅從弗與誅玉石併燬真無辜腰間縱有玉真劍坐視罔救空長吁煩君拭目維南斗此去妖氛可靜無

湘中後怨至元十八年歲辛巳冬十月按事順德晨起燈下讀沈下賢文集偶賦此或云鄭即子春也

洛陽曉月光朦朧彼姝嬌啼橋水東鄭生早蕞與之遇挈去媵御甘長終霧綃煙縠已儻恍九歌招魂皆楚風一朝謫滿與鄭訣云是蛟娣非凡庸岳陽樓高花映紅滿筵歌舞蛟人宮海風吹散歛不見倚雲望入湘江宮

摩挲辭

我從澧東來枯陂滿崎人駐馬驚問之云掘摩挲根
摩挲一斛春為塵耶沃飢火充朝餐雨屢南來至趙
止彼壤可遊茲若楚東面跬步間乾潤迺爾分龍公
執雨機行事太不仁野人前致辭荷鍾立偃僕翻淘
此物又將空戀：無他為鄉土一飢濱死不足慮大
稅今秋何所取州帖猶來徵事故

街東宅効樂天體嘆暴貴而成貪得也

街東宅萬瓦新晴煙披拂青粼：滿堂歌吹樂新貴
豈知賀者在室吊在門根株已為鬼所斧藻棟竟起
高比鄰古云暴貴不祥事巢覆未省鷓能全俄聞斷
棺昭隱愚應有籍入無親疏福由積善尚恐失忍用

陰適戕其身作歌為飭附炎子未必貧賤非高人

碧玉琬枕歌壽王承旨

君不見靈壽賜孔光俾之扶衰杖於朝安車起申公
未免遠駕趨旌招我思碧玉琬枕貺養老之意更比
西京饒宛如大士冠馳送下九霄春冰藉紅芽當畫
凝不消寵光照室幾千丈寶華耀粲翻雲蛟人間有
眼未省見况因顯異張吾曹先生今年八十一視聽
不減神超遙先生節搃玉比德先生文章匪玉琬以
言以行國所仗明堂大鼎須時調
聖皇丙夜不安寐作行尚復思群豪漆園蝶相固不
到赤烏夢與周公邀薦賢行見及遺逸粧嚴七寶先
瓊瑤從此鹿菴春更好怡然高卧養松喬

淮西行送湯侯宣慰廬江郡

淮西風土高且涼，桐波悠悠帶陵岡。流俗勁決喜戰鬪，自昔尚農今重商。金人逮我百餘戰，况復限隔為邊荒。八州隸轄勢亦重，宣慰正爾咨忠良。君侯磊落識已久，吐論能與時低昂。上承下接不須慮，幽渺澤及先痍瘡。兵令畏法民有食，鎮以簡靜無更張。丈夫遠役存事業，治公如家功可量。行旆征指淮甸，弩毫曉日翻春陽。憶昨傾蓋長安陌，一笑軒豁生輝光。功名有在心未已，相顧但惜眉須蒼。打門未辭興不淺，思有以贈因吹揚。別懷不用作酒惡，梅花滿枝休斷腸。會把一麾淮海去，與君終歲約徜徉。

黃鵠下太液池歌贈張詹丞子有

君不見西京全盛時，黃鵠飛下太液池。雄聲東來蕩鳧鷖，波濤一頃翻琉璃。菊裳肅金為衣，至今樂府留歌辭。只緣罕見稱祥輝，較之世用將何為。張侯家住太液傍，龍眷又沐恩波光。金閨時彥推獨步，大冠脩劍明月璫。煙花鶴禁正縈繞，翩如彩鳳鳴朝陽。張侯本是濟時傑，游刃有餘歸以德。津和氣粹眉宇皎，冰壺湛胃臆兩都。巡撫歲有常，守護無虞嘆先識。臨機益辨固餘事，端本澄源更超逸。覃詹府開兩坊春，桂香濃露華濕。鄭莊好客未足多，桃李公門半簪紱。况今六合臬鸞分，霜風靜野惡木寂。太平有望公等事，為國薦賢時所急。顯士論問遠期它日，明堂須柱石。竒聞黃鵠下太液，今觀池邊威鳳集。作

歌自笑贈君侯一片野心猶獻灸

海燕蒲萄鏡歌贈趙克敬

趙郎少年有澹癖，抉古搜竒曾不息。神京陸海魚龍窟，入市驚呼得玄璧。何年軒鑑覩天巧，百鍊陰精開素質。玉臺人去玉燈滅，洞映千秋猶一日。粉膏銷盡漢宮香，背像冥薰臘茶色。翩翩海燕喜春晴，的皪蒲萄法秋碧。寶奩才拆走神光，秋月橫江露華濕。森然毛骨溢清寒，野魅山精墮幽泣。藏明入晦古所尚，物不將迎汝之德。土花綉澁學妖墓，桂影團圓恣吞蝕。照人似惡太分明，俯仰取容非我職。蹇予行年五十七，落魄功名尚南北。青衫拂拭照衰朽，增進一階真可惜。鑑裁不到魏文貞，金鏡輸誠志當畢。趙郎從傍

抵掌笑識拔群材，有時特淒然。歛衽問鏡神，我髮何由黑如漆。

和張鵬飛詩韵

魯公平生書百碑，衆筆腐朽驚神竒。長沙大笑稱老賊，當時未必為真知。大師忠義膽身大，寓意於書忘吊賀。君不見路逢碧落三日觀，一字未厭書萬過。

秋澗先生大全文集卷第十一



嘉慶甲戌三月十六日晚間居士校時
三夏後一日



卷十
五

